

摘藻堂四庫全書薈要

子部

欽定四庫全書薈要

子部

御定淵鑑類函卷三百八十四

詳校官兵部主事臣雷純

欽定四庫全書薈要卷一萬一千八百三十二

子部

御定淵鑑類函卷三百八十四

器物部三

盤

樽

卮

杯

皿

盥

盤一

增說文曰盤承槃也

原周官曰王府掌王之金玉若

合諸侯則供珠盤玉敦

禮記曰湯之盤銘曰苟日新

日日新又日新

孫卿子曰君者盤也民者水也盤圓

則水圓盤方則水方

增淮南子曰窺面于盤水則圓

于盃水則修面形不變其故有所圖修者皆所自窺之異也

盤二

增搜神記曰高辛氏有老婦人得耳疾醫爲挑治得卵大如繭盛以瓠離之以盤俄而卵化犬因名槃瓠原左傳曰莒人伐我東鄙圍台季武子救台遂入郚取其鍾以爲公盤史記曰毛遂謂楚王之左右取雞狗馬之血來毛遂奉銅盤血而跪進之楚王曰王當歃血而

定從次者吾君次者遂定從于殿上遂左手持盤而右手招十九人曰公相與飲此血于堂下公等碌碌所謂因人成事者也 增陳思王集曰明帝承露盤在芳林圃中上盤徑四尺九寸下盤徑五尺銅龍繞其根 鄴中記曰石虎皇后浴室中有雙長生樹又安槃受十斛于二樹之間 沈約宋書曰高祖儉諸子食不過五醃盤 隋書曰上賜王公以下射楊素箭爲第一上以外國所獻金精盤價值巨萬賜之

# 盤三

原五辛

雙玉

風土記云楚人元日上五辛盤張平子詩云美人贈我青琅玕何以報之雙

玉承露貯氷史記云漢武帝造柏梁銅柱承露盤三輔黃圖云董偃以水晶爲盤貯

氷同色侍者謂氷無盤必融濕席誤拂盤墜碎

增落珠

響玉

白樂天詩云大珠小珠落

玉盤恭天要覽云響玉碁盤與律聲相應

饋璧

置錢

左傳云晉文公及曹僖負羈之

妻曰吾觀晉公子之從者皆足以相國若以相夫子必反其國反其國必得志于諸侯而誅無禮

曹其首也子盍早自貳焉乃饋盤餐寘璧焉五代史云謝彥章幼事葛從周從周憐其敏慧授之兵法以千

錢置大盤中爲行伍之狀示以進退出入之節

原盛桃

增受橘

漢武內傳云西王母

以七月七日降帝宮命侍女索桃須臾以玉盤承桃七枚大如鴨卵形圓色青以呈王母王母以四枚與帝自

食三枚  
謝惠連橘賦  
云受以玉盤登君子堂

滴雨

隋星

宋史云楊佐爲陵州推官州有

鹽井深五十丈皆石底有柏木爲幹上出井口垂綆而下方能及水歲久幹摧敗欲易之而陰氣騰上入者輒死惟天有雨則氣隨之以下稍能施功晴則亟止楊佐教工人以木盤貯水穴竅灑之如雨滴然謂之雨盤如是累月井幹一新利復其舊  
唐書云湯悅見飛星隨水盤中掬吞之文思日奇

原知寒

增占景

白帖云顧彥先云銅盤之凍知萬里之寒  
確類書云郭江州有占景盤銅爲之底上出細

筒殆數十用時酌清水擇  
繁花插筒中十餘日不衰

蒸雞

釣魚

晉四王啓事云惠帝還洛

陽道中有老人蒸雞素木盤中盛以奉帝  
後漢書云左慈有術于銅盤中釣鰯魚

漆畫

犀

鏤晉陽秋云武帝時御府令蕭譚承徐循儀疏作漆畫銀盤詔殺之劉義恭啓事云恩旨以犀鏤金錯酒

杯盤垂賜盛櫻桃貯檳榔藝文類聚云漢明帝以赤瑛盤與桃同色皆疑是空盤南史云劉穆之微時嘗造

妻家已食畢求檳榔妻兄弟曰君常苦飢何忽須此及任丹陽召妻兄弟以金盤貯檳榔一斛贈之

# 盤四

增春盤

四時寶鑑云立春春日唐人作春餅生菜號春盤

尺盤

出白帖

小盤

吳志

云焦征羌自享大案殽膳而以小盤飯與步卒惟菜茹而已

大盤

出白帖

殘盤

郭子

云王光祿曰正得殘盤冷炙

遊盤

鄴中記云石虎會上御食遊盤兩重皆金銀參帶百二十餞雕



飾並同其參帶之間菜萸盡微如破  
髮近看乃得見動遊盤則圓轉也

丹金盤

抱朴子云以丹

金爲盤置食其中令人長生

原白玉盤

應劭漢官儀曰封禪壇南有白玉盤盤中有玉龜

增象牙盤

古樂府云琉璃琥珀象牙盤

水晶盤

交州襟事云太康四年刺史陶

璜表送林邑王范熊所獻縹紺水晶盤各一枚

瑪瑙盤

唐書云裴行儉初平都友遮畲獲環寶不

貲蕃酋將士願觀焉行儉因宴徧出示坐者有瑪瑙盤廣二尺餘文采粲然軍吏趨跌盤碎惶怖叩頭流血行

儉曰爾非故也何

琉璃盤

唐書云代宗時路嗣恭進琉璃盤徑九寸以爲至寶

至是色不少吝

及破元載家得琉璃盤徑一尺

黃金盤

後魏書云太武帝作黃金盤十二具鏤以白銀錯以玫瑰

珠玉烏瓦盤脩復山陵故事云武帝悼元宮漆烏瓦盤一枚

吐銅盤

續齊諧記

云許彥遇一書生云脚痛求寄鶯籠中前行息樹下生口吐一銅盤具有饌酒數行又吐一美女子美男子共

酌日晚生悉納口中留銅盤與彥

畫粉盤

唐書云吳越王錢鏐置粉盤于卧内有所記即畫粉

盤賜沈義

神仙傳云沈義爲人所迎見老君以金案玉盤賜之

與許彥

見上

轉十二時

潛確類書云唐内庫有一盤色正黃圍三尺四周有物象如辰時草間皆戲龍轉已則爲

蛇午則成馬號十二時盤

原廣五十丈

神異經云西北荒異國有金樓上有銀盤廣五十丈

中有明珠大數丈光照千里

盤五

原詩梁沈約咏竹檳榔盤詩曰梢風有勁質乘用道非

一平織方以文穹成圓且密

原賦魏母丘儉承露盤賦曰樹根芳林濯景天池嘉木  
靈草綠葉素枝飛閣鱗接而從連層臺偃蹇以橫施龜  
龍怪獸嬉遊乎其中詭類壯觀襍遯衆多若乃肇制模  
鎔應變入神窮數極理究盡物倫命班爾召淳均撰蘭  
藉簡良辰采名金于崑丘斬扶桑以爲薪詔燭龍使吐  
火運混元以陶甄毆陰陽而役神物豈取力于烝民用  
能弗營不日而成匪雕匪斲天挺之靈雄幹碣以高立

干雲霧而上征蓋取象乎蓬萊實神明之所憑峻極過  
于閼風鳳高翔而弗升遠而望之若紫霓下鄰雙鷗集  
焉即而視之若璆琳之柱華蓋在端上際辰極下通九  
原中承仙掌既平且安越古今而無匹信奇異之可觀  
又能致休徵以輔性豈徒虛設于芳園采和氣之精液  
承清露于飛雲

原銘後漢蔡邕盤銘曰華盤就用以享嘉賓內納其實  
外若元真 李尤盤銘曰或以承觴或以受物既舉清

觴又成口實

魏母丘儉承露盤銘曰赫赫聖魏紹天

惟則承露瑰生爰詔懿德下有蛟龍偃蹇虬紛上有層  
盤厲彼青雲修莖擢擢高弗可及仙掌岌岌零露是集  
有直其體有固斯基休徵攸降神明攸持少昊惟好我  
后斯同以祈耆壽以保萬邦

曹植承露盤銘曰岌岌

承露峻極太清神石礪硯洪基岳停下潛醴泉上受雲  
英和氣四充翔鳳所經匪吾明后孰能經營近歷闡度  
三光朗明殊俗歸義祥瑞混并鸞鳳晨棲甘露宵零神

明攸協高而不傾奉戴巍巍恭統神器固若露盤長存  
永貴賢聖繼迹奕世明德不忝先功保茲皇極垂祚億  
兆永荷天秩

晉殷仲堪酒盤銘曰

節有宜 藥惑最

禮 醜 狂 觴

興 悅 醉 德 惡

樽一

增說文曰樽酒器也罍龜目酒尊也木刻爲雷雲象其  
施不窮 原爾雅曰彝卣罍器也小罍謂之坎卣中樽  
也 增易曰樽酒簋貳用缶納約自牖終无咎 原周

禮曰六樽犧樽刻牛形象樽象形著樽底著地壺樽大  
樽太古瓦樽山樽刻山雲形以待祭祀賓客之禮 增

又曰司尊彝掌六尊六彝之位詔其酌辨其用與其實  
春祠夏禴裸用雞彝鳥彝皆有舟其朝踐用兩獻尊其  
再獻用兩象尊皆有罍諸臣之所酢讀也秋嘗冬蒸裸

用竿彝黃彝皆有舟其朝獻用兩著尊其饋獻用兩壺  
尊皆有壘諸臣之所昨也凡四時之間祀追享朝享裸  
用虎彝雉彝皆有舟其朝踐用兩大尊其再獻用兩山  
尊皆有壘諸臣之所昨也 原禮記曰廟堂之上壘尊  
在阼犧尊在西 又曰泰有虞氏之尊也山壘夏后氏  
之尊著殷尊犧象周尊 增又曰灌尊夏后氏以雞彝  
殷以斚周以黃目 又曰尊壺者面其鼻 又曰汙尊  
而抔飲 又曰黃目鬱氣之上尊也黃者中也目者氣



之清明者也言酌于中而清明于外也 原莊子曰百

年之木破爲犧尊青黃以文之其斷在溝中比犧尊于

溝中之斷則美惡有間矣其于失性一也 增又曰淳

朴不殘孰爲犧尊白玉不毀孰爲珪璋道德不廢安取

仁義 又曰市上之人有善戴尊者累千尊而行有與

之更者行道未半而以其尊顛 原淮南子曰聖人之

道猶中衢而設尊邪過者斟酌各得其宜 又曰夫奉

一爵酒不知于色

言其輕也

挈一石尊則白汗交流

言其重也况

羸天下之憂而任海內之事者乎二者重于尊亦遠矣  
增又曰百園之木斬而爲犧尊龍蛇虎豹曲成文章  
風俗通曰坐不移尊俗說凡宴飲者移轉尊酒令人訟諍博古圖曰  
有周乙舉尊解謂之舉象尊全作象形而開背爲尊鳧尊瓠  
尊夔龍尊

尊二

原漢書曰成都侯商子邑爲大司空貴重商故人皆敬  
事邑唯樓護自安舊節邑亦父事之不敢有闕時請召

賓客邑居尊下稱賤子上壽坐百數皆離席伏護獨東  
向正坐 東觀漢記曰王霸擊賊作倡樂賊射營中霸  
前酒尊霸坐不動 增後漢書曰章帝建初七年槐里  
岐山得銅尊一枚 東觀漢記曰章帝時美陽得銅酒  
尊采色青黃有古文 原晉書禮樂志曰元旦獻白獸  
尊于殿庭蓋上施白獸獻直言者發此飲之 增晉起  
居注曰穆帝昇平二年尚書左丞相劉充元日會彭城  
計佐虞興發白虎尊而羣觀輻湊中蘭臺令史張元不

禁免元令史

鄴中記曰石虎正會殿前有白龍尊作

金龍于東箱西向龍口金尊受五十斛 梁書曰劉杳

博綜羣書嘗于沈約坐語及犧尊約云鄭玄荅張逸謂  
爲畫鳳凰尾婆娑然今無此器則不依古杳曰此言未  
必可案古者尊彝皆刻木爲鳥獸鑿頂及背以出內酒  
頃魏世魯郡得齊大夫子尾送女器有尊作犧牛形晉  
永嘉賊曹嶷發齊景公冢又得二尊形亦爲牛象皆古  
之遺器知非虛也 又曰劉之遴獻古器于東宮有金

銀錯鏤古尊二枚篆銘曰秦容成侯適楚之歲造六  
典曰太常寺唐武德中改隋奉禮郎爲治禮郎永徽後  
爲奉禮郎凡彝尊之制十有四祭祀則陳之一曰大尊  
二著尊三犧尊四象尊五壺尊六山罍七槃尊八散尊  
九山尊十蜃尊十一雞彝十二鳥彝十三斚彝十四黃  
彝

尊三

增上壽

飲福

通典云唐千秋節受朝賀于樓上御座之東置壽尊又于樓前之東南置壽尊

皆有盞竿尚食酌酒以授殿中監上千萬歲壽玉海  
云祥符元年九月壬戌禮儀使言皇帝飲福酒以上尊

太尉而下以壘今告廟及封禪望令尚食奉  
御于上尊酌酒以進以交神明之福從之  
五獻

七祀禮記云五獻之尊門外缶門內壺君尊瓦甒此以  
小爲貴也唐書禮樂志云七祀及功臣配享以

壺尊二  
實醞齊常滿原不空玉海云唐李文暉調民黃金  
孔融別傳

云融常歎曰座上客常滿  
尊中酒不空吾無憂矣  
增神龜銅鶴玉海云淳  
化元年十

月高麗王治獻神龜壽尊  
一銅鶴尊背上注酒則一足倚滿則正不滿則傾側  
朝野僉載云韓王元嘉有

飾翠羽絡朱帶志林云先代不識犧尊但云沙畫  
之飾以翠羽至魏明帝時魯郡于

地中得齊大夫子尾送女器有犧尊作犧牛形乃知其  
足形正義云概尊取橫概之義黑漆爲尊以朱帶絡

腹

原賜丞相

增比君子

漢書云賜丞相養年上尊注糯米酒一斗爲上尊稷

爲中粟爲下

唐書云牛僧孺對策直言時政後拜相文宗賜以彛尊龍勺曰精金古器以比君子

直

千金

受一斛

漢書曰梁孝王有彛尊直千金戒後代善寶之任后聞而欲得之王襄大母李

太后曰先王有命無得以尊予人他物雖百鉅萬猶自恣任后絕欲得之王襄直使人開府取尊賜任后天子下吏驗問公卿治奏以爲不孝襄誅周禮祭器圖云壘形似壺大者受一斛刻木爲之畫爲山雲之形

尊四

增金尊

李白詩云金尊清酒斗十千玉盤珍饈直萬錢

玉尊

神異經云西北荒中酒泉美如

肉清如鏡其上有王尊取一尊復一尊與天地同休飲此酒不死又陳思王大魏篇云豐年大置酒玉尊列廣

庭

銀尊

吳越春秋云闔閭女自殺以銀尊送之

瓦尊

潛確類書云陶匏也謂陶瓦為酒尊匏

陶謂陶瓦為酒尊匏

寶尊

蔡邕論銘曰漢獲齊侯寶尊于槐里

翠尊

七啟云盛以翠尊酌以雕觴

衢尊

玉海云宋天禧四年九月二十日賜酺詔曰思延兒齒廣置

衢尊

陶尊

晉書禮志云魏景初元年營洛陽南委粟山以為圓丘祀之日以始祖帝舜配房俎生魚

陶尊

瓢齋

玉海云榮門用瓢齋注榮鄮所祭國門也齋讀為齊取甘瓢割去底以齊為尊

木瘿

李白有山瘿木尊詩見後

璚碧尊

劉楨瓜賦云憑雕玉之几酌璚碧之尊

陽

燧尊

劉綽有陽燧尊銘見後

魯壺尊

左傳云昭十五年十二月晉荀躒如周以文伯宴尊

以魯壺

齊倅尊

晏子春秋云晉欲攻齊使范昭觀齊國之政景公觴之范昭起曰願得君之倅



尊以爲壽公命左右酌尊以獻晏子命撤去之范昭歸曰齊不可伐也吾欲慙其君晏子知之孔子聞之曰晏

子不越尊俎之

掘地得

玉海云唐開元九年三月汝州奏魯山縣之堯山白鵲見

間折衝千里

掘地得

玉海云唐開元九年三月汝州奏魯山縣之堯山白鵲見

于許昌縣之唐祠掘地得古銅尊上又隱起雙鯉篆書文曰宜子孫請付史官從之

出峽還

廣興

記云英德縣峽山廟有先秦犧尊制作奇古嘗爲權貴取去舟出峽風濤大作乃復還廟中

次山

杯尊

韻府云元次山居樊上石有窠顛因修之以藏酒曰杯尊銘曰誰能杯飲共比淳朴

東坡

義尊

韻府云東坡在黃州鄰近四五州送酒令置一器謂之雪堂義尊

龍鳳方尊

博古

圖云有龍鳳方尊蓋商器也

鳳虎二尊

傅玄朝會賦云跼鳳虎之二尊清醑皆以停淵

尊五

原詩魏文帝詩曰良辰起初節高會構歡娛明爵浮象  
尊珍善盈豆區 增唐李白咏山癭木尊詩曰擁腫寒

山木嵌空成酒尊愧無江海量偃蹇在君門 又曰蟠

木不雕飾且將斤斧踈尊成山岳勢材是棟梁餘外與  
金壘並中涵玉醴虛慙君垂拂拭遂忝玳筵居 皮日

休咏酒尊詩曰犧尊一何古我抱期幽客少恐消醍醐  
滿疑烘琥珀猿窺曾撲瀉鳥踏經欹仄度度醒來看皆  
如生死隔 陸龜蒙和皮襲美酒尊詩曰黃金即爲侈

白石又太拙斷得奇樹根中如老蛟穴時招山下叟共酌林間月盡醉多忘言誰能作天舌

增賦唐李君房白獸尊賦曰酒以養德則盛于尊尊之用獸可得而言若乃王春會朝初正元吉穆穆嚴宸濟濟良弼玄化凝以垂衣讜詞進于造膝則從繩之義斯正投水之言自必是以白獸在司尊彝舉酒搜地空象夫髻髻揚睛欲聞乎哮吼信履尾而不啞雖編鬚而何有俾夫嘉話允臧粹容有光尊則雲飛而山峙獸乃白

質而黑章物盛其容若眈眈而視君能納諫遂諤諤而  
昌嘉言既樂用舉夫爵所以展其威儀匪空留乎斟酌  
獸之爲尊用舍有時獸之喻人猛毅在茲懼威則君之  
設謬矣忘諫則臣之節殆而酌之伊何惟器所稟禮殊  
百拜味珍千品皇恩既錫且同夫湛湛露斯君德不回  
寧比夫厭厭夜飲彼美觶然太階之前與諫鼓而齊致  
比撲滿而能全斯期箴闕用以旌賢將同衢尊之道幸  
注焉而酌焉 孟康期金尊含霜賦曰夫何卜晝之不

暇以清夜之方久垂玉漏之未窮賴金尊兮有酒霜入  
室兮夜何長尊含霜而醴澈霜覆醴而金光適足勁乎  
玉性亦何傷乎酒香夫如是尊既可賞霜亦可觀味資  
蘭桂影奪綃紈疊華彩于銀燭散餘光于玉盤況東堂  
清敞北斗闌干在公載宴廢寢相歡心飲冰兮猶熱酒  
飛霜兮豈寒斯蓋爲上台之式百辟少宰之設九流明  
命充選俾士全謀五權立而羣才入鏡三人行而一人  
同舟並錯薪于翹楚異攀桂之淹留每賞崇乎夜隙故

尊列而霜浮于是星歲道盡地有寒沍引颺風烏徘徊  
玉兔杯上霧起鑪前香覆對尊影而霜含況霜姿而粉  
傳非兕觥其觥粲乎自舉會心絜矩凝然抱素于是執  
簡爲名比玉同貞結而能白沖而不盈光露寢之舊席  
刻神鐘之遠聲豈獨坐中藏器酒上含情者哉 裴度  
黃目尊賦曰動明酌而曼醪騰光澄舊汙而圓規納照  
原銘後漢崔駰尊銘曰惟歲之元朝賀奉尊金壘犧象  
嘉禮具存獻酬交錯萬國咸歡 李尤尊銘曰樽設在

堂以俟俊乂三山共承雕琢錯帶

蔡邕酒尊銘曰酒

以成禮弗繼以淫德將無醉過則荒沈盈而不沖古人  
所箴尚鑒茲器茂勗厥心

晉孫綽陽燧尊銘曰大將

體物妙思入神儀彼靈禽制器爲人虛以含有文以飾  
身湛此玄醴延我嘉賓興懷寄咏聊以標設詳觀茲器  
妙巧奇絕酌焉則注受滿則側吐瀉適會未見其竭與  
之無若施而有節元應忘知功存不伐王公擬之德齊  
上哲

宋何偃常滿尊銘曰貞明麗象吳食中望唯茲

奇器神絕莫尚斟酌賦受不踰其量鳧鷖之詩豈伊異况

庖一

原說文曰庖圜器也一名𩺰所以節飲食 增應劭曰

庖飲酒禮器也古以角作受四升古庖字作𩺰 禮記

曰父母舅姑之敦牟庖匪非餽莫敢用 淮南子曰雷

水足以溢壺榼而江河不能實漏庖 文子曰三皇五

帝有觀戒之器命曰侑庖 鹽鐵論曰川源不能實漏



卮不能滿 左思曰玉卮無當雖寶非貴 黃庭堅詩  
敢乞餘圭刀歸和卯飲卮

卮二

原戰國策曰昭陽爲楚伐魏覆軍殺將得入城移師而  
攻齊陳軫爲齊王使見昭陽再拜賀戰勝起而言曰臣  
竊譬楚有祠者賜其舍人酒一卮舍人相謂曰數人飲  
之不足一人飲之有餘請畫地爲蛇蛇先成者飲酒一  
人蛇先成引酒且飲之乃左手持卮右手畫蛇曰吾能

爲之足未成一人蛇成奪其卮曰蛇故無足子安能爲之足遂飲酒 史記曰沛公與項羽會鴻門樊噲在營

外聞事急乃持楯直入帳下羽問爲誰張良曰沛公驂乘羽曰壯士賜卮酒彘肩噲飲酒拔劍切肉食之羽曰能復飲乎曰死且不避卮酒安足辭 漢書曰高祖奉

玉卮爲太上皇壽 後周書曰宇文貴射中金卮魏帝

因以賜之 增宋史曰張方平使契丹契丹主顧謂左

右曰有臣如此佳哉騎而擊毬于前酌卮酒飲之 又

曰徽宗嘗大宴出玉璣玉卮示輔臣曰欲用此恐人以爲太華蔡京曰臣昔使契丹見玉盤璣皆石晉時物持以夸臣謂南朝無此今用之上壽于禮無嫌 元史曰帝宴羣臣于上都行宮有不能酌太卮者免其冠服魏初上疏曰方今內有太常有史官有起居注以議典禮記言動外有高麗安南使者入貢以觀中國之儀昨聞錫宴大臣威儀弗謹非所以尊朝廷正上下也

### 卮三

原白玉卮

韓子云崇谿空見昭侯曰今有白玉卮而無

白玉卮美而君不以其無當邪曰然空曰爲人君漏泄

言泄妻妾

增黃金卮

白居易詩云

鸛鸛卮

瑣言云

賜莊宗鸛鸛酒卮翡翠盤

琉璃卮

魏文帝得楊修書云

螭首卮

詳下 蟬紋卮 博古圖云有漢建光卮銘曰建光中室有

卮 匏子卮 逢原記云唐李適之有蓬萊盞海川螺舞

器 金屈卮 夢華錄云御宴酒盃皆金

屈卮如菜盃而有手把子

卮四

增詩唐元稹玉卮無當詩曰共惜連城寶翻成無當卮  
詎慙君子貴深訝巧工隳泛蟻功全少如虹色不移可  
憐殊磔石何計辨糟醕江海誠難滿盤筵莫妄施縱乖  
斟酌意猶得對光儀 蔣防玉卮無當詩曰美玉常爲  
器茲焉變漏卮酒漿悲莫挹樽俎念空施符彩功難補  
盈虛數已虧豈惟孤玩好抑亦類瑕疵清越音雖在操  
持意漸隳賦形期大匠良璞物同斯

原賦晉傅咸汙卮賦曰人有遺余琉璃卮者小兒竊弄

墮之不潔意既惜之又感物之汙辱乃喪其所以爲寶  
况君子行身而可以有玷乎有金商之瑋寶稟乾剛之  
淳精歎春暉之定色越冬氷之至清爰甄陶以成器逞  
異域之殊形猥陷身于醜穢豈厭美之不惜與觴杓之  
長辭曾瓦缶之不若

原頌後漢崔駰漢明帝頌曰帝乃負宸執胄覆珪運斗  
杓以酬酢酌酒旗之玉卮

杯一

增方言曰盃械盞盃盞盃也秦晉之郊謂之盃自關而東趙魏之間曰械或曰盞或曰盃吳越之間曰盞齊右平原以東或謂之盃杯其通語也 原禮記曰毋沒

而杯圈不能飲焉口澤之氣存焉爾

孝子見親之器物哀則不忍用也圈

屈木所爲也  
危匝之屬也

莊子曰水之積也不厚則其負大舟也

無力覆杯水于坳堂之上則芥爲之舟置杯焉則膠水淺而舟大也 文子曰清之爲明杯水見眸子濁之言

閭河水不見泰山

## 杯二

原管子曰桓公管仲鮑叔牙甯戚四人飲公曰盍不爲寡人壽叔牙奉杯而起曰願公無忘在莒時漢書曰元帝徵貢禹爲諫議大夫禹奏臣嘗從之東宮見賜杯案盡金銀飾非當所以食臣下也又曰王嘉爲丞相數上事言不宜封董賢上怒有詔假謁者節召丞相詣廷尉掾吏涕泣共和藥進嘉不肯服主簿曰將相對不理陳寬君侯宜引決嘉引藥杯以擊地謂官屬曰丞相



幸得備位三公奉職負國當伏刑都市以示萬衆豈兒  
女子邪何爲咀藥而死遂隨使者詣廷尉 又曰朱博  
爲御史大夫爲人廉儉食不重味案上不過三杯夜寢  
早起妻希見其面 謝承後漢書曰豫章宋叔平爲定  
陵令素杯食麥飯 增晉咸康起居注曰詔送遼東使  
段遼等鸚鵡杯 唐書曰胡楚賓屬文敏速飲酒半酣  
而後操筆高宗每令作文必以金銀杯盛酒令飲便以  
杯賜之 山堂肆考曰唐寧王有煖玉杯 唐書曰柳

公權工書公卿貺遺巨萬主藏奴或盜用嘗貯杯盂一  
筭滕識如故而器皆亡奴妄言叵測者公權笑曰銀杯  
羽化矣不詰 韻府曰韓魏公開宴吏碎玉杯公曰非  
故也 宋史曰章鑑歸田里有告其家匿寶璽者霜晨  
鑑方擁敗衾卧兵士至大索其室惟敝篋貯一玉杯餘  
無一物人歎其清約 明紀曰石璞河南臨漳人歷官  
清介致仕歸買田僅百畝鄉人有爲典史歸者璞往其  
家几上陳銀器前列金杯十餘問曰汝宦幾年矣曰未

滿考也曰胡歸乎曰刁民訟吾貪奪職璞曰嗟夫使我  
治汝汝焉能還鄉里哉拂衣去

### 杯三

原飲霞

增收露

論衡云河東項曼都好道去家三年而反曰去時有數仙人將上天離月

數里而止月之旁甚寒悽愴飢欲食輒飲我流霞一杯每飲數月不飢

漢武故事云武帝作承露盤仙人象

擎玉杯以收

紫霞

明月

王禹玉上元應制詩云一曲昇平人盡樂君王又進

雲表之露

紫霞杯

神仙傳云劉剛未仙時姮娥降共飲留一明月杯云以示世人

原常滿

增自

煖十洲記云周穆王時西域獻夜光常滿杯杯容三升是白玉之精光明照徹夜以杯于庭中以向天比旦

而水升滿中汁甘而香美斯實靈器開元遺事云唐

內庫有一酒杯青色而有紋如亂絲其薄如葉杯足上

有鏤金字曰自煖杯上令取酒三雅 七寶 劉曲論云

注之溫溫然有氣相吹如沸湯酒爵三大曰伯雅容七升次曰仲雅容六升小曰季雅

容五升于志寧詩云俱裁七步咏共傾三雅杯樂史

云李太白後序太真妃持玻璃七寶杯酌葡萄酒 鶴頂 原蝦頭 劉欣期益

鷄水鳥黃喙長尺餘南人以爲酒杯即今之鶴頂也

南越志云南海以蝦頭爲杯鬚長數尺金銀鏤晉康州

刺史常以杯獻簡文用以盛藥未及飲無故酒躍于外

時廬江太守曲安遠頗解術數即令筮之安遠曰即三

旬後庭將增照蛇 化燕 廣輿記云唐應柳爲汲令

有喜慶者夏至日主簿杜宣造謁命

酒時北壁上偶懸赤弩照入杯形如蛇宣心畏之不敢

不飲歸即腹痛妨眠食諸方不效柳從壁次顧見懸弩

曰必此也載宣于故處設酒杯中復有蛇因告之故宣遂解立愈晉書樂廣事同神仙傳云左慈能分杯飲

酒曹操欲殺之爲設酒試之慈拔簪以畫酒杯即斷飲畢以杯擲屋棟懸著化而爲雙燕良久乃復墮于地遂

失慈之所在 蕉葉 瓜片 志林云蘇東坡云吾兄子明飲酒三蕉葉吾少時望見酒杯而

醉至今亦能飲三蕉葉矣 十國春秋云景宗令匠鍛銀葉爲杯賜羣下飲銀葉既柔弱因目之爲冬瓜片又

名曰醉如泥酒既盈則不復置他所惟飲盡始釋手後與劉光祚遊華岳逢道士以桃核取瀑泉盥漱卒以半

片見授遂名 傳國 照世 五代史云唐明宗時臨河爲桃核杯 縣得一玉杯有文曰傳國

寶萬歲杯明宗甚愛之以示馮道道曰此前世有形之寶爾王者固有無形之寶也 潛確類書云撒馬兒罕

國有照世杯光明洞 渡河 投津 高僧傳云杯渡和徹照之可知世事 尚不知姓名常乘

木杯渡河因名焉不修細行飲酒食肉與俗人不殊  
宋史云劉永年四歲能詩仁宗時許出入兩宮一日帝  
誤投金杯瑤津亭下戲謂左右曰能取之乎  
永年一躍持之而出帝拊其首曰奇童子也

## 杯四

增瓊杯

韻府云唐王翰文  
章如瓊杯玉斚

瓦杯

續漢書禮儀志云天  
子明器有瓦大杯十

六容三升瓦小  
杯二十受二升

原螺杯

陶侃故事云侃上  
成帝螺杯一枚

增螽杯

見陸  
倕銘

桑杯

謝承後漢書云高弘  
爲瑯琊相桑杯盛醬

柳杯

明紀云鐵冠  
道人結廬鍾

山下梁國公藍玉攜酒訪之道人野服出迎玉以其輕  
己不悅酒行戲曰吾有一語請先生屬對脚穿芒屨迎  
賓足下無禮道人即指玉所持柳杯復之曰手執柳杯  
作盞尊前不忠玉武人不悟其意一日投大中橋水死

求其屍不得已而潼關吏奏某月日道人杖策出關計之正玉投水之日也

荷杯

語林云唐李宗

閔暑月臨池

藤杯

續博物志云酒杯藤出西域藤大如臂葉似葛花實如梧桐質堅可

爲杯以酌酒有文章映徹可愛士人投酒能消宿醒

鸚鵡杯

山堂肆考梁宴魏使魏肇師勸鸚鵡

杯徐君房飲不盡肇師曰海蠡蛭蛭尾翅皆張非爲玩亦以爲罰今日不得辭也

鴛鴦杯

雞

集云唐張易之與李迴常以鴛鴦杯一雙共飲取其常相逐也

瑪瑙杯

見錢起歌

水晶

杯韻府云武德二年西域

車渠杯

梁簡文集云車渠屢酌鸚鵡驟傾車

渠鸚鵡皆指酒杯俗傳車渠爲杯注酒滿過一分不溢

琥珀杯

韻府有琥珀杯綠瓷杯婪尾杯

白木杯

班彪上啟事云官吏二千石布襦羊裘以白木杯飲食飾虛欲以求名采譽

碧

瑶杯

潛確類書云仙家三寶有碧瑶杯紅粧枕紫玉函玉清女以贈韋弁

玉交杯

李義山詩

云冰簟且眠金縷枕瓊筵不醉玉交杯

霞文杯

劉孝綽詩曰共摘雲氣藻同舉霞光杯

獻闕下

史記云漢文帝十七年新垣平使人持玉杯闕下獻之刻曰人主延壽平所言詐下吏誅

貨市上

漢武故事云上崩後鄠縣有一人于市貨玉杯吏欲捕之因忽不見縣送其器推問茂陵中物

霍光呼問說市人形貌如先帝

有蘭桂

真率齋筆記云關關贈余本明以青華酒杯酌酒輒有異

香在內或有桂花或梅或蘭視之宛然取之若影乾則不見矣余寶之

生茵芝

永嘉郡記云君

鄣山袁君廟神降祝史以神前杯灌地以太羹杯覆之有頃發杯而茵芝生于杯下

頭沒杯

曹瞞

傳云魏太祖與人談論戲弄盡無隱諱及歡悅大笑至于頭沒杯案中餽膳皆污巾幘

掌覆杯



杜甫詩云教兒  
且覆掌中杯

欲飲則舉

謝氏詩源云金母召羣仙宴于赤水命謝長珠鼓拂

雲之琴舞驚波之曲坐有碧玉鸚鵡杯白  
玉鸚鵡杓杯乾則杓自挹欲飲則杯自舉

不傳自至

葛仙別傳云仙公爲客設酒不令人傳  
之見杯自至人前若不盡者則杯不去

原象箸如玉

杯韓子云紂爲象箸而箕子怖以爲象箸者必不加于土銅必將犀玉之杯象箸玉杯必不羹菽藿則必薦

胎豹簞瓢勝玉杯  
王逸子云顏回之簞瓢則勝慶封玉杯何者德行高遠能絕殊也

### 杯五

增詩唐杜甫鸚鵡杯詩曰雕琢形儀似隴禽綠楊影裏  
可分斟坐間恨不能言語說我平生酒量深  
錢起瑪

瑤杯歌曰瑤溪碧岸生奇寶剖質披心出文藻良工雕  
飾明且鮮得成珍器入芳筵含華炳麗金尊側翠斚瓊  
觴忽無色繁弦急管催獻酬倏若飛空生羽翼湛湛蘭  
英照豹斑滿堂詞客盡朱顏花光來去傳香袖霞影高  
低傍玉山王孫彩筆題新咏碎錦連珠復輝映世情貴  
耳不貴奇漫說海底珊瑚枝寧及琢磨當妙用燕歌楚  
舞長相隨

原銘後漢馮敬通杯銘曰樂則思舊燕則思歡民之失

德乾餱以愆

梁陸倕蠡杯銘曰用邁羽杯珍愈渠椀

實同蠡測形均撲滿伊我疲病獨居無伴所不比挹誰

謂誰緩

增傳明劉啟元商君

商君酒杯

傳曰商君姓陶名一中家于

饒之景德相傳先世居河濱有曰器者型虞舜之化以

不苦窳稱及舜賓四門嘗柄用之封商丘世襲商君之

號商生而縝密顏色光澤叩之音響清亮有識者曰此

廟堂器也豈破室中能久羈乎陶族多用于時有職精

膳者有職珍羞者有職掌醢者商皆卑下之獨與錫山  
壺子麴城陸胥相友善其出處必偕始胥因壺子納交  
于商商賴其麗澤顯名于世會良辰上方宴客敕有司  
治具懸樂以待時主爵乏人羣下薦商君太常乏人羣  
下薦壺子良醖署乏人壺商因薦陸胥上曰陸生醇儒  
肯爲我來邪乃使壺子持節往召頃之陸胥與壺子俱  
來商君候于席側導陸生遍謁諸客人人浹洽謂商君  
親己無不口銜其澤者上歡甚常執商手問曰陸生風

度得如商郎否商對曰陸生汪汪如波千頃臣雖日與  
漸涵不能測也上曰不有卿安能親陸生使我心醉邪  
他日羣臣賀千上賜宴于瓊林預語商曰聞古賓筵有  
監有史我欲令子揚觶兼巡按諸在坐者子子何如商  
對曰臣聞丈夫磊落如珠走盤將終不能令人起敬邪  
至期商甫就席諸座客皆擎拳曲跪持之如執玉奉之  
如捧盈惟恐少有所傷見禮于人若此壺不平每以口  
侵凌之幸其滿而覆也商覺遽反之曰胡不嚴如瓶之

戒邪商日被寵渥上常以右手提攜而自視與瓦缶同  
絕無驕溢色誰謂其器小易盈哉無何金城賈氏及王  
卮子以奇巧得幸與商爭寵商謂之曰安靜之器悃悞  
無華若輩雖金玉其相追琢其章祇爲富貴家役使耳  
孰若我出自陶穴登之廟堂下至闔閭閭無富無貧  
無貴無賤無不捧我掌中口相授受又安用炫耳目之  
觀爲哉商行已甚潔喜與持重者遊嘗曰吾與兒輩處  
每慮有玷缺之患又曰我雖涼薄必不墮于庸人之手

苟持我不謹即能齏粉我我亦不往也蓋知自重哉然  
以久握機權微有瑕隙可指上亦將厭擲之遂連表乞  
骸上可其請以商嘗從越名士遊修竹茂林間賜曲水  
爲湯沐商感上之恩屢欲捐軀雖家食每飯不忘聞召  
即赴未嘗以寒燠辭居恒以侑器爲監可滿而不可覆  
可虛而不可敬即坐客有號呶者商中立自如徐規之  
曰酒以成禮不繼以淫慎勿使我爲漏卮哉考之古吳  
有鄭泉者性嗜酒臨卒謂家人曰死必葬我陶家之側

幸身化爲土以作酒器獲我心矣人謂商君即鄭泉後身理或然也

盃一

原說文曰盃小孟也 方言曰楚魏宋之間盃謂之孟  
增唐書曰吐蕃國器屈木而韋底或甦爲盃凝麩爲盃

盃二

原吳志曰曹公出濡須甘寧爲前部督受敕斫敵前營



孫權特賜米酒衆有寧先以銀盃酌酒自飲兩盃乃酌  
與都督都督伏不肯時持寧引白削置膝上呵之曰卿  
見知于至尊孰與甘寧甘寧尚不惜死卿何以獨惜死  
乎都督見寧色厲即起拜持酒通酌兵各一銀盃至二  
更時銜枚出斫敵敵驚動遂退寧益貴重 增晉陽秋  
曰王敦許周訪荊州又授梁州訪怒敦書喻之遺以玉  
環玉盃訪投玉盃于地曰吾豈賈豎可以寶悅邪 世  
說曰王大將軍尚主如廁即還婢擎金盤盛水琉璃盃

盛澡豆

見澡盤

又曰王導舉琉璃盥謂周伯仁曰此盥

腹殊空謂寶器何邪

晉義熙起居注曰詔林邑王范

明達獻金盃一副蓋百副

北齊書曰魏收訪盧叔武

留收良久食至但有粟餐葵菜木盃盛之片脯而已

隋書曰隋文帝時突厥獻七寶盃

元史曰至元八年

巴延以百家努前後戰功上聞世祖大悅以良家女及

銀盃一賜之

盃三

增金盃

韻府云崔少府女亡有金盃著棺後盧充與之幽婚女以金盃贈之

瓦盃

高僧傳云

西明深禪師僧問如何是和尚家風師曰竹箸瓦盃

茗盃

韓詩云茗盃纖纖捧

酒盃

黃山

谷詩云更當力貧開酒盃

粉盃

晉陽秋曰武帝時魏府丞蕭譚丞徐修儀疏作漆畫銀帶粉盃詔殺

之

漆盃

東宮舊事云漆盃子一百枚

車渠盃

崔豹古今注云魏帝以車渠石爲酒

盃

水精盃

抱朴子云外國作水精盃實是合百片以作之交廣間多得此法俗人乃云水精是

自然之物又陶侃故事云侃上成帝水精盃一枚

原琉璃盃

文士傳云潘尼與同僚飲主人

有琉璃盃使客賦之尼于座立成又晉咸康起居注云詔賜遼東段遼等琉璃盃

增白石盃

交州雜記云太康四年刺史陶璜表送林邑王范熊所獻青白石盃一口白水精盃二口

盛書水

秦嘉妻與嘉書云今奉金錯盃一枚可以盛書水琉璃盃一枚可以服藥酒

貯冷物樞要錄云

元載凡飲食貯冷物以琉璃盃熱物用泛水磁器有三千事

原置井邊潯陽記云龍窟有深

潭有人于此洗銅盃忽浪起水長失盃此人後見置城裏井邊

增出人間唐杜甫詩云昨夜玉

魚蒙葬地早時金盃出人間

盛美酒李白詩云蘭陵美酒鬱金香玉盃盛來琥珀光但使主人

能醉客不知何處是他鄉

進靈液韓詩云靈液屢進玻璃盃

盛水不耗孔帖云馬

侍中嘗寶一玉精盃夏蠅不近盛水經月不耗或目痛含之立愈

置錢皆滿秘閣閒談云已

東下巖院僧水際得青磁碗折花及米其中皆滿以錢及金銀置之皆然自是富厚僧年老擲盃江中謂徒弟

曰不欲爾等增罪累也

# 盃四

增詩唐杜甫于韋處乞大邑磁碗詩曰大邑燒磁輕且堅扣如哀玉錦城傳君家白盃勝霜雪急送茅齋也可憐

原賦魏曹植車渠盃賦曰惟斯盃之所生于涼風之峻滑采金光以定色擬朝陽而發輝豐玄素之煒煜帶朱榮之葳蕤縕絲綸以肆采藻繁布以相追翩飄颻而浮景若驚鵠之雙飛隱神璞于西野彌百葉而莫希于時

乃有明篤神后廣被仁聲夷慕義而重使獻茲寶于斯  
庭命公輸使制匠窮妍麗之殊形華色燦爛文若點成  
鬱蒼雲蒸蜿蜒龍征光如激電影若浮星何神怪之巨  
偉信一覽而九驚雖離朱之聰目由炫耀以失精何明  
麗之可悅超羣寶而特章俟君子之閒宴酌甘醴于斯  
觴既娛情而可貴故永御而不忘 應瑒車渠盃賦曰  
惟茲碗之珍瑋誕靈岳而奇生扇不周之芳烈浸瓊露  
以潤形陰碧條以納曜喻朝霞而發榮紛玄黃以彤裔

煜豹變而龍華象蜿蜒之輔體中含曜乎雲波若其衆  
色鱗聚卓度詭常網緼雜錯乍圓乍方蔚術繁興散列  
成章揚丹流縹碧玉飛黃華氣承朗內外齊光 徐幹  
車渠碗賦曰闡德應規巽從易安大小得宜容如可觀  
盛彼清醴承以琬盤因歡接口媚于君顏 晉潘尼琉  
璃碗賦曰覽方貢之彼珍瑋茲碗之獨奇濟流沙之絕  
險越葱嶺之峻危其由來也阻遠其所托也幽深據重  
巖之億仞臨洪溪之萬尋接玉樹與瓊瑤鄰沙棠與碧

林瞻閨風之崔嵬顧玄圃之蕭參光映日曜圓成月盈  
纖瑕罔麗飛塵靡傳灼爍旁燭表裏相形舉茲盃以酬  
賓榮密坐之曲宴流景炯晃以內澈清醴瑤琰而外見  
陳江總瑪瑙碗賦曰翠羽流霞之杯諒無聞于瑋麗  
豈匹此之奇瓊爰覩殊特臻自西國狀驚鶴之點潰似  
遊龍之割刻士衡譬之雲采中郎羞其馬勒于時北園  
清夏東閣浮涼山交枝而影雜水沈葉而流香蟬無風  
而引短鷺出迴而飛長副君海亭岳峙紙落金鏘獲阿



宗之美寶命河朔之名觴寶出崑崙之仙阜觴即玄洲  
之玉酒酒既醉而還年盃稍酌而延壽仰天縱之體物  
銘歆器今何有

原表梁諸葛恢表曰詔云行當別離以爲悵罔分致耗  
耗一劍一琉璃盃一貴達心領錄之天恩望極天地施  
鈞不異遠近

# 孟一

增說文曰孟飲器也 韓子曰爲人君者猶孟也人猶

水也孟圓水圓孟方水方 涼州異物志曰琥珀作孟

瓶 夢華錄曰京師酒店純用銀器雖一人盃遂之時

亦用銀盃

注盃遂一盃遂行也

### 孟二

增漢書曰東方朔上嘗使數家射覆置守宮于孟下使射之 晉四王起事曰惠帝還洛陽黃門以瓦孟盛茶上至尊 宋史曰夏將寇名山弟夷山來降种諤諤使人因夷山以誘之賂以金孟名山小吏受而許降名山

未之知也

鉢一

增玉鉢

北齊書云齊神武長女爲魏孝武后被廢復配元韶魏室奇寶多隨后入韶家有二玉鉢相盛

可轉而不可出瑪瑙榼容三升玉縫之皆稱西域鬼作

銀鉢

二石僞事云佛圖澄死以生所服金

杖銀鉢送終後開棺視之惟見杖鉢存焉

衣鉢

傳燈錄云池州使君問五祖曰會中有五百僧不付

衣鉢爲甚却付與盧行者五祖曰四百九十九人會佛法唯有盧行者一人不付佛法他則悟道謂之過量人

方傳得

瓶鉢

又云守清禪師有僧問如何是和尚家風曰一瓶兼一鉢到處是生涯

原鍊懸

支僧載外國事云佛鉢在大月氏國一名佛律婆越國是天子之都也起浮圖高四丈七層四

壁裏有金銀佛象悉如人高鉢處中央在第二層上作金絡絡鉢鍊懸鉢鉢是石也其色青

車載

法顯記云弗樓沙國有佛鉢昔月氏王人興衆來伐此國取佛鉢既服此國已月氏王篤信佛法欲持鉢去去

乃校飾大象置鉢其上象便伏地不能得進更作四輪車載鉢八象共牽復不能進王知與鉢無緣深自愧歎

即于此處起塔及僧伽藍

青玉鉢

西域傳諸國志云佛鉢在乾陀越國青玉也受三斗許彼國寶

之供養願終日花香不滿則如言也願一把滿亦隨言也

衆香鉢

維摩經云維摩居士遣八菩薩

往衆香國禮佛于是香積如來以衆香鉢盛飯與之

水精鉢

交州雜事云太康四年刺史陶璜表

送臨邑王范熊所獻銀鉢一口水精鉢一口

增龍腦鉢

宋蘇軾宸奎閣碑記云大覺禪師持

律嚴仁宗賜龍腦鉢孟璉對使者焚之曰吾法以瓦鐵食此鉢非法上嘉之

原生青蓮

佛圖

澄傳曰澄以鉢盛水燒香  
呪之須臾鉢中生青蓮花

增升白氣

廣輿記云無言和尚姓李氏精

密數法嘗持一鐵鉢入定欲晴則鉢內火光燭天遂  
霽欲雨則鉢中白氣上升遂雨蒙氏封爲灌頂法師

原盛乳麋

支僧載外國事云摩竭提國在迦維越之南  
相去四十由旬貝多樹去摩竭提三十里一

名毘波黎佛唯在此一樹下坐滿六年長者女以金鉢  
盛牛乳麋上佛佛得乳麋往尼連禪河浴浴竟于水邊

噉麋噉麋竟擲鉢水中逆流可百步許然後鉢  
復流河中架梨耶龍王接取鉢在宮中供養

增滿

香飯

異苑云司州衛士度苦行居士也其母常誦經長  
齋堂衆僧未食俱望見空中有一物下既落其前

乃是天鉢滿中香飯度

攪鉢求雨

明皇十七事云明  
皇令無畏三藏求

雨以一鉢水小刀攪之須臾有龍如指大  
入鉢復攪呪之白氣自鉢中出大風雨

擊鉢成詩

梁王僧孺傳云齊竟陵王子良嘗集學士刻燭成詩四韻則刻一寸以此爲率蕭文琰曰何難之有乃與丘令楷等共打銅鉢立韻響滅詩成皆可觀覽

鉢二

原啓齊王融謝安陸王賜銀鉢啓曰素金之貴有訪仙經鐫刻可奇見符神鼎撤膳器于珍羞之席降寶玩于簞瓢之門梁劉孝儀謝鄱陽王賜鉢啓曰珍窮貨貢製極範金用貴寶尊文包龍鼎雕鏤海籍圖載山經閱衆靈于器中弄神奸于掌裏足令任后所欲遠慙漢世

少君有覲遙羌齊寢

甌一

原方言曰甌甌陳魏宋楚之間謂之甌自關而西謂之甌其大者謂之甌 增又曰自關而西盎之小者謂之

甌 通俗文曰小甌曰甌 淮南子曰狗彘不擇甌甌而食 東方朔七諫曰甌甌登于明堂周鼎潛于深淵

甌二

原盛香

素彥伯羅山疏云善道門尸在石室北壁下形骸朽壞止有白骨在昔成都識此道士聞之使

人慨然其業行殊異當蟬脫解骨耳

化丹

抱朴子云取金液及

水銀以黃土甌盛置之猛火土皆化爲丹

增玉手捧

以此丹金爲盤盃食其中可令人長生

犀筋

韻府云裴航至藍橋姬曰雲英擎一甌漿來俄

犀筋

擊又云漢成帝欲立飛燕謝后歌歸風送遠之曲以文

就

起素濤

茶歌云碧玉甌中素濤起

飲玉液

見

覆案上

唐書云玄

新宗命相先書名置案上舉金甌覆之謂太子曰此宰相

名也其誰乎射中賜卮酒肅宗曰非崔琳盧從愿乎上

然曰擲波間宋史云淳化三年三月帝幸金明池命爲

擲波間

競渡之戲擲銀甌于波間令人泗波取之

賜諸葛恢

諸葛恢集云詔賜恢白甌二枚

投徐孝嗣

南史云沈昭畧被召入華



林省飲藥酒罵徐孝嗣曰廢昏立明古今令典宰相無才致有今日以甌投其面曰使爲破面鬼

### 甌三

原啓梁皇太子謝敕賚廣州甌等啓曰淮南承月之杯  
豈均符采西國浮雲之盃非謂瑰奇臣南珍靡究未讀  
奏曹之表方物罕逢不識議郎之畫

### 甕一 甕羗同

原易曰井谷射鮒甕敝漏 增周禮曰大朝覲佐儉共  
設籩簠之禮 原禮記曰儒有蓬戶甕牖易衣而出井

日而食 孝經援神契曰銀甕不汲自隨不盛自盈  
增急就章曰係臂琅玕琥珀龍璧碧珠璣玫瑰瓮 宋  
劉師道詩曰醢雞甕裏天

甕二

原左傳曰齊人伐燕燕人歸燕姬賂以瑤甕玉櫝等耳  
增漢書曰陳平家貧居甕牖 華嚴國志曰趙琰青  
州刺史廳置水甕得貴要之書投于其中 聞見錄曰  
趙普爲相屏後設一大甕凡有投利害文字貯其中滿

則焚之通衢因此得謗 宋史曰牟子才八世祖允良  
生期歲淳化間盜起舉家殲焉惟一姑未笄以甕覆之  
得免 廣輿記曰陶宗儀天台人至元間避難府城南  
之亭林里雅好著述雖力耕畝畝恒以筆硯自隨置一  
甕樹下有所得即書以投其中久久成帙曰南村輟耕  
錄

甕三

增藏書

積筆

東坡詩序云唐房琯與道士邢和璞出  
游至夏口村坐古松下和璞使人鑿地

得甕中所藏婁師德與永禪師書謂瑄曰頗憶此邪因  
悵然悟前身爲永師也尚書故實云孫智永學書積

年禿筆十八筧原雷鳴雲出淮南萬畢術云取沸湯著銅  
甕中堅塞之內于井中作雷

鳴聞數十里幽怪志曰曹著爲建康小吏忽爲廬山  
府君所迎見府門前有大筧可受五百石風雲出其中

藏金增流錢晉書云隗炤善易臨終書版授妻曰  
吾亡後五年有詔使來此亭姓龔負

吾金可持此版責之至期龔使者止亭中妻齎版往責  
使者筮卦曰吾不負金賢夫有金五百觔盛以青筧覆

以銅梓埋在堂屋下掘之得金唐餘錄云建安人見  
山下數錢流出至山半有大甕錢滿而欵于是推正石

楮之取五百餘歸將再盡取而亡其筧夜夢貯露  
人曰錢有主向爲甕欵以五百催爾正之爾貯露

作酪韻府云黃帝時甕堯時猶存貯瑪瑙露中時淳則  
滿時澆則竭王隱晉書云太孫臧外祖蔣迪作

酪當釀未成大甕自行迪打酪甕  
破問景養養曰當生太子儲副

備城

累牆

墨子云備

械聚瓮甕累牆瓮口向內外過者不聞聲以聲爲瓮所

城百步一井井十瓮正字通云明姚廣孝選軍中器

也收原出婦

藏賊

六帖云魏管輅有人失妻輅卜之令于東陽城門候擔豚人至與共

關豚走逸追之豚入舍突破主人甕婦從甕中出東  
觀漢記云王渙與洛陽令方畧捕賊賊乃藏大甕中悉

擒獲丈人抱

吏部眠

莊子云子貢入楚過漢陰見一丈人方爲圃畦鑿隧而入抱甕

而灌子貢曰有械于此用力寡而見功多其名爲槲丈  
人忿然作色曰有機械者必有機事有機事者必有機

心吾非不知羞而不爲也晉書云畢卓爲吏部郎性  
嗜酒比舍郎酒熟因夜至其瓮間盜飲之爲掌酒者所

縛旦視之乃畢吏部也

增活一兒

投二媪溫公幼時與羣兒

戲一兒墜大甕水中羣兒驚去公以石擊瓮水迸出兒得不死至今京濟間爲小兒擊甕圖唐書云武后嫉

高宗廢后王氏並蕭良娣剔其手足反接投釀甕中曰令二媼骨醉納周興瘞陳諤

唐書云天授中人告周興謀反詔來俊臣鞠狀初興未知被告方對俊臣食俊臣曰囚多不服奈何興曰易耳

內之大甕熾炭周之何事不承俊臣曰善命取甕且熾火徐謂興曰有詔按君請嘗之明紀云永樂中陳諤

爲人剛介直諫觸禁上怒命爲坎瘞之露其頂諤歎息謂其人曰吾今日乃爲火斃所苦問其故罵曰咄嗟汝

不知邪朝廷瘞人當以笊令速死耳瘞者如其言遂得屈伸七日不死釋還職原坐岳飛

置胡廣宋史云岳飛生未彌月河決內黃水暴至母姚抱飛坐甕中衝濤及岸得免人異之世說云

胡廣本姓黃二月五日生父母惡之乃置甕投于江湖見笊流下人聞兒啼取兒養之遂位登三司廣不持本

親服云本親以我  
爲死人深譏之

### 浸道士

煨顛仙

集仙傳云王老  
者慕道有老道

士造之忽遍身瘡瘍曰得酒數斛浸之即愈遂爲置酒  
滿甕道士坐甕中三日鬚髮皆黑如童子曰能飲此酒  
可仙去時方打麥全家飲之忽風動雲蒸一時輕舉空  
中猶聞打麥聲明通紀云太祖時有周顛仙建昌人  
年十四得顛疾行乞南昌舉錯譎詭人莫能識至金陵  
遇上出必前遮拜時有所言必以告太平爲首詞上厭  
之命沃以燒酒顛飲極多終不醉命覆  
以甕積薪煨之火息起視正坐宴然

### 藏鸚鵡

增

置蜥蜴

白帖云張華養白鸚鵡華自外來並以家事告  
之華出後童僕怒乃藏甕中  
韻府云置蜥蜴

于瓮中  
祈雨事

有黃蘗

原得素書

韻府云貧士有三百甕  
黃蘗鍾離意別傳云

意爲魯相修夫子廟男子張伯除堂下草土中得玉璧  
七枚伯懷其一以六枚座堂下牀首有懸瓮意問戶曹

此何甕曰夫子甕有丹書人莫敢發意發之得素書云  
後世修吾書董仲舒護吾車拭吾履發吾笥會稽鍾離  
意璧有七枚  
張伯懷其一

### 甕四

原酒甕

金樓子云欄衡云荀或可強與言餘皆酒甕飯囊耳

增飯甕

童謠云二月刈禾傷

早九月粃糕正好十月洗蕩飯甕隨五行  
志云豐年之祥東坡詩云助爾歌飯甕  
白帖云宋渭南耕者  
得主父偃七甕金

酒五甕

白帖云周顗籍其家絮數麕酒五甕而已

原金七甕

覆酒甕

晉書云陸機聞左思欲作三都賦曰須其成當以覆酒甕爾

覆醬甕

後魏書云

揚雄著太玄當時不免覆醬甕

增從人求酒

類說云有人自稱成德器從人求酒擊之乃一



破酒甕

懸樹作聲

明通紀云成化中山東民穿窖得古塚一甕貯水輒涸懸樹上作聲怪而

破之識者云此寶器能照數里

抱甕釀酒

語林云羊稚舒冬月釀酒常令人抱甕須臾復易一

人酒速成而味好

置甕投書

見前趙琰

## 甕五

增詩唐陸龜蒙咏酒甕詩曰候煖麴蘖調覆深苔蓋盡  
溢處每淋漓沈來還鼎滢嘗聞清涼酎可養希夷性盜  
飲以爲名得非君子病皮日休和陸魯望酒甕詩曰  
堅淨不苦窳陶于醉封疆臨溪刷舊痕隔屋聞新香移

來近麴室倒處臨糟牀所嗟無比鄰余亦能偷嘗

增賦唐衛茶甕賦曰古人得象今創經營肇彼羣橐兮  
疏厥名瞻茲甕之爲質乃陶人之所成非耳目之華侈  
留器用之深情若乃虛以爲量滿而戒溢內容乃體外  
堅其質在埏埴之厥初諒邀奇于斯日濟家人之攸務  
故陳子乎虛室藏用所資詎可談悉至如原憲貧病蓬  
戶攸居以甕爲牖含風自虛知道而樂其神宴如及夫  
漢陰抱甕高情悠邈絕乎澆風敦其至朴同夫人道于

焉卓犖若夫吏部既醉乘興來眠漏傳永夕酒泛如泉  
酣飲無度其人在旃考異宏圖徵奇遐紀條支之鳥卵  
猶類園人之繭形可擬非心虛之可測徒耳聞而是矣  
厥品之爲用自禮經以疏跡固有順于時須乃全之而  
不易含虛而稱從宜所適粵若稽古今聖唐銀瓮常滿  
兮珍光靈液滋兮寶物用呈絕瑞兮詠太康小子同螢  
爝之微火耿光疑于斯章

罌一

增說文曰罌備火長頸瓶也 又曰罌甌也甌小口罌也 方言曰罌謂之甌 師古曰罌所以盛酒也 博古圖曰漢湯罌溫水器也狀如匏圜而純素有一耳若屈卮舉而置之爐竈間以烹水銅爲之重一觔十一兩容三升七合非瓦瓶也 蘇軾詩曰廚裏霜虀到舊罌 又曰年來小器溢瓶罌

罌二

增史記曰韓信擊魏從夏陽以木罌渡軍襲安邑 漢

書曰趙盾漢爲京兆尹突入霍禹第搜索私屠酤椎破  
盧罌斧斬門關 晉書曰孔嚴父奕有遺酒者奕遙呵  
曰人餉吾兩罌酒其一何故非也視之一罌果是水奕  
曰酒重水輕提酒者手有輕重故耳

### 罌三

增酌酒 襄陽耆舊傳云辛仲宣截竹爲罌以酌 承糟

劉伶酒德頌曰捧 金罌 韻府云唐左相酒名醺醺

罌承糟銜杯漱醪

金罌

翠濤貯以金罌十年不敗

銀罌 杜甫臘日詩云翠

管銀罌下碧霄

琉璃罌

異苑云月支國有  
佛髮盛以琉璃罌

翡翠罌  
歸田錄云寶器翡翠罌歐陽脩得之梅堯臣能屑金


御定淵鑑類函卷三百八十四

謹案第十四頁前五行心飲冰兮猶熱刊本熱訛  
熟據賦彙改

第三十頁後三行光如激電刊本電訛雲四行言  
一覽而九驚刊本驚訛敬並據賦彙改







總校官庶吉士臣張能照

校對官編修臣朱攸

謄錄監生臣周學濫

欽定四庫全書薈要

子部  
欽定淵鑑類函卷三百八十五

詳校官兵部主事臣雷純

欽定四庫全書薈要卷一萬一千八百三十三

子部

御定淵鑑類函卷三百八十五

器物部四

瓶

壺

甌

盆

匕

箸

衡

量

度

農

器

瓶一

瓶

原易曰羸其瓶

毛詩曰瓶之罄矣惟罍之恥

增禮

記曰祭竈盛于盆尊于瓶

原左傳曰雖有挈瓶之智

守不假器禮也

增呂氏春秋曰古者挈瓶而汲原

淮南子曰覩瓶水之冰而知天下之寒

古樂府曰金

瓶素綆汲寒漿 增富弼書坐屏曰守口如瓶防意如城

瓶二

增傳曰衛孫蒯田于曹隧飲馬于重丘毀其瓶重丘人閉門而詬之曰親逐而君爾父爲厲是之不憂何以田爲 又曰邾子在門臺閤以瓶水沃廷 唐書曰太宗以胡瓶賜李大亮曰有臣如此朕何憂古人以一言之重訂千金今賜胡瓶一雖無千金乃朕所自御 玉海

曰唐禁中銀瓶大者高五尺餘江西李兼獻高六尺者

貞元十二年誕日及端午齊映獻高八尺餘者 叙聞

錄曰憲宗釀換骨醪以金瓶賜裴度 五代史曰唐廢

帝入立欲擇宰相因悉書清望官姓名內琉璃瓶中夜

焚香祝天以筯挾之首得盧文紀欣然相之 元史曰

至順間伯勒齊爾布哈陞榮祿大夫宣徽使宣徽所造酒

橫索者衆歲費陶瓶甚多別兒怯不花奏製銀瓶以貯

而索者遂止

瓶三

增淨手

煖足

寄歸傳云梵云軍持此云瓶常貯水隨身淨手湯婆一名煖足瓶

蓄

錢行雨

類書云鄒長倩贈公孫弘撲滿一枚撲滿蓄錢瓶也以土爲之可入不可出滿則撲之士

有聚而不散者有撲滿之敗玄怪錄云李靖宿一朱門家夜半一婦人托行雨韞驄馬與一小瓶戒曰瓶水

一滴地上三尺水矣

瓶四

增銀瓶

杜甫詩云指點銀瓶索酒嘗

玉瓶

李白詩曰玉瓶沽美酒

黃金瓶

唐書云秦瓊字叔寶始爲隋將後降高祖拜馬軍總管戰美良川功多帝賜以黃金瓶勞曰卿不恤妻子而來

歸我且又立功使朕肉可食  
當割以啖女況子女玉帛乎

**朱提瓶**

又云太宗時回紇鐵勒十一部

歸命張飲高會帝坐秘殿前後高坵置朱提瓶其上潛泉浮酒自左閣通坵趾注之瓶轉受百斛回紇數千人

飲畢尚不能半

**金胡瓶**

西域記云疎勒王致魏文帝金胡瓶

**玉膽瓶**

鄭松窓云花鬚

中有玉

**從者挈**

九國志云蜀閬王宗銖有海客鬻龍腦蜀中貯以水晶瓶殿直李葩市之

海客邀善價比數倍葩造宗銖曰水晶瓶爲爾取之翌日至其所宗銖與海客共觀歎其纖纖久之因目從者

挈瓶

**竈婦洗**

蘇軾詩云應嗤竈婦洗盆瓶

**自稱曾元**

宣室志云建中末獨

去

孤彥客淮泗間佛寺遇青短衣

**客揖麴生**

鄭綮開元傳信記云

人自稱曾元後驗之乃瓶耳

道士葉法善有道術一日會朝士滿座思酒忽有一人叩門稱麴秀才突入居席末論難鋒起葉潛以小劍擊

之隨手墜地化爲瓶榼視之乃盈瓶醇釀也

跳入不

見廣輿記云申屠有涯宋時居陽羨攜瓷瓶渡舟飲酒

大吐衆逐之登岸吟曰仲尼非不賢爲世所不容蚩

蚩同舟子不識人

擊碎應聲

明通紀云洪武初冷謙有仙術有友人貧求濟

中龍跳入瓶不見

于謙謙乃于壁間畫一門一鶴守之令人敲門自開入

其室金寶充牣蓋內帑也其人恣取以出而遺其引他

日內庫失金庫吏得引以聞執其人訊之并逮謙謙謂

逮者曰安得少水以救我渴逮者以瓶汲水與之謙且

飲以足插入瓶中其身漸隱逮者以瓶置御前上

祐

師踢倒

傳燈錄云華林與祐師爭住爲山百丈曰若能

下得一句出格乃與住持指淨瓶曰不得喚作

淨瓶林曰不可喚作木椀也百丈不肯祐

阮孚持歸

師乃踢倒淨瓶百丈笑云輸却山子也



潛確類書云阮孚性機辨好酒貌短而禿周文帝偏所眷顧常于室內置酒十瓶瓶一斛上皆加帽欲戲孚孚適入室見即驚喜曰吾兄弟輩甚無禮何爲入王家匡坐相對宜早還宅也因持瓶歸周文撫手大笑

## 瓶五

增詩唐杜甫咏銅瓶詩曰亂後碧井廢時清瑤殿深銅瓶未失水百丈有哀音側想美人意應悲寒甃沈蛟龍半缺落猶得折黃金 宋黃庭堅戲咏煖足瓶詩曰小姬煖足卧或能起心兵千錢買脚婆夜夜睡天明脚婆元不食纏裹一衲足天明更傾瀉類晦手有餘煥明

于謙湯婆詩曰不施脂粉不梳妝寂寞無言卧象牀暖  
足難同親骨肉傍人惟有熱心腸夜長夜短慵舒眼花  
落花開空自傷可惜恩情易拋擲春來依舊守空房  
原箴漢揚雄箴曰覩瓶之居居井之睂處高臨深動常  
近危酒醪不入口藏水滿懷不得左右牽于繆徽一旦  
車礙骨肉爲泥自用如此不如鴟夷

增傳明支廷訓涵春君

花瓶

傳曰余托居在委巷窮僻處

絕無芳艷涉目且日奔走于風塵不知其臘之將去也

有涵春君者修頸坦腹獨抱止水每如果然挈羅浮素質踵余齋而明日春至矣世傳有脚陽春今且無根自榮矣師雄偶邀半晌今且陪君起居矣蕭蕭疎影黯黯餘芳最可人者尤在燈下經宿猶是閱旬猶是且刊華而就實焉余意羅浮氏素非家養其來固多拂鬱曲折乃于于徐徐欣然自若不識一枝之爲寄也豈轉移造化顧屬君手邪甚異之君曰何異乎拂之因以得順折之轉而爲全物情類然逐衆敷榮大地陽春也隨緣自

適一掬陽春也且過目成色何必春之爲春與化俱徂  
何必相之爲相借交于姚魏受知于陶令折節于董奉  
師門亦披衷于六郎西子無問富貴高隱仙踪艷質隨  
所入必偕所與以進而此衷常淨可自信亦可信人時  
與文人學士晤對于芸窓並側于几案足以助發其生  
意而彼此視爲莫逆即與釋部談空空玄宗課寂寂律  
議森然亦若相得益彰而不病其爲色礙惟賈人豎子  
日營營于多寡有無似爲不韻未嘗過而問焉蓋于萬

錦叢中結交一杯水裏涵養春意雖覺滿懷塵根不留  
半點東皇以其有護傷續韻之功襲封涵春君姓湛氏  
名擷英移芳其字云 明吳寬湯媪

湯婆子一  
名煖足瓶

傳曰媪

之先金姓少昊之苗裔也夏禹治水功成別錫之氏世  
有從革之德載周書洪範篇穆王時有金母實生媪媪  
少遇爲燧人氏之言者授以水火相濟之術善養氣能  
吐故納新延年不死人異之晝竊觀其所爲塊處室中  
腹枵然及暮惟飲湯數升而已人因扣之曰媪何以壽

對曰汝獨不聞冬日則飲湯之說乎吾術止此他無以

告子者因號曰湯媪媪爲人有器量能容物其中無鈞  
鉅而緘默不泄非世俗長舌婦人比性更恬淡貴富家  
未嘗有足跡獨喜孤寒士有召即往藜牀紙帳相與抵  
足寢和氣藹然可掬唐有廣文先生知其名召之媪至  
讓抑居下坐廣文揖而進媪曰足下雖冷官妾則婦人  
豈可與公比肩哉廣文與語至夜半頽然就睡偶以足  
加其腹媪亦不怒天明更與語傾倒殆盡自是廣文非

媼寢不安席嘗曰和而不流清而不激卑以自牧即之也溫惟媼能兼之人以爲知言媼復知醫思以濟世人謂其滿腔子皆春意也有貴介公子犯寒疾獨卧別室迎致之媼初不欲往或曰此正媼行仁之秋也何以拒爲不得已行視其疾已在骨髓循其經絡起足厥陰曰是非鐵可加法宜用湯液從其言體溫溫自下起若飲薑桂然及視其劑則其平日所飲者也公子竒其效欲留侍終身諸姬患之相與讒于公子曰媼雖知醫然晝

伏夜見踪跡叵測其殆鬼物邪公子尚慎之媼聞而愠見曰吾生平號能容物至是不覺使人熱中卒罵曰家世非寒族幸自溫飽無求于世若輩粉白黛綠專以色媚人鬼物真自謂吾見若輩之殺公子也竟去及接他人終不失和氣公子亦遂疏之諸姬更進御未幾疾復作竟死如媼言媼同時有夫人竹氏與媼每春秋時輒爲人棄置相會默然無怨言歎曰人生出處各有時耳媼自周歷漢唐至宋已二千餘歲人謂其猶處子也閱



人雖多無可以當意者聞涑水司馬公有清德欲依之  
公得媼恨晚家有侍妾不一顧其夫人亦賢乃盛飾之  
以進卒揮去既而公拜相夜則思天下事往往達旦不  
寢媼進曰公幸不棄處我布衾之下愧無以報德惟公  
盡瘁事國貌日加瘠幸爲天下自愛公驚曰吾久不聞  
媼言媼言甚愛我願卒聞媼之所以處世者媼曰昔在  
周末猶及見老子教予曰汝惟知足知足不辱予謹受  
教以至今日公悟曰媼殆謂我也即謝事退居于洛後

堯朝廷因有溫國之封媼後壽益高雖云得異術要其  
先世從革之德所致不可誣也

# 壺一

增說文曰壺昆吾圜器也

徐注曰昆吾  
紂臣作瓦器

毛詩曰顯父

餞之清酒百壺 周禮曰挈壺氏掌挈壺以令軍井壺所

以盛飲故以

壺表井中

又曰凡軍事懸壺以序聚櫟懸壺以爲  
漏也櫟音

託 三禮圖曰洗壺受一斛口徑一尺頭高五寸大中

身兌音銳下赤漆中玄上加青雲氣方壺受一斛腹圜足

口方圜壺受一斛腹方足口圜

潛確類書曰壺周制

也而方圓有異凡燕禮與夫大射卿大夫則皆用方壺士皆用圓壺以其大夫尊之所有事示爲臣者有方直之義故用方以其士旅食卑之所有事示爲士者以順命爲宜故用圓

## 壺二

增玉壺

韻府云王方平有十二玉壺

瓠壺

又云鴟夷滑稽腹如瓠壺

青田壺

珊瑚鈎詩話云烏孫國有青田核莫知其木與實而核如五六升瓠空之盛水俄而成酒味甚淳美劉章曾得

二馬集賓設之一核纔盡一核  
又熟可供二十客因名青田壺

癭木壺

見呂公著詩

發

丹書

晏子春秋云景公遊于紀得一金壺發視之有丹書

盛黃金

韓子云晉公子重耳過曹

僖負羈盛黃金于壺充之以食令人遺公子也

飯伍員

琴操云伍員奔吳過溧陽瀨溪見一女擊

漂于水中旁有壺漿乃就乞飯飯畢謂女子曰掩夫人壺口女子知其意自投瀨溪而死

與韓重

搜神記云吳王夫差女悅童子韓重結氣死形見重將入塚取崑崙玉壺與之

懸壺賣藥

神仙

傳云費長房爲汝南市掾市有一老翁賣藥挂一壺于肆頭日入後輒入壺中惟長房睹之因再拜奉酒酺翁

乃與俱入壺中見玉堂嚴麗旨酒甘肴具飲畢而出乃俱入深山

負壺灌區

說苑云五大夫

衛人也負壺入井終日灌一區

壺三

增詩宋呂公著瘿木壺詩曰天地產衆材任材爲之智  
棟桷與楹杙小大無有棄方者以矩度圓者中規制嗟  
爾木之瘿何異肉有贅生成擁腫姿賦象難取類隳括  
所不施鈎繩爲爾廢大匠睨而往惻然乃有意孰非造  
化功而終朽不器剗剔應其中朱漆爲之僞軒漿挹酒  
醴施用惟其利犧象非不珍金罍豈不貴設之于楹階  
十目肯注視幸因左右容及見謂奇異人之于才性夫

豈遠于是性雖有不善在教之揉勵才亡不可用由上所措置飾陋就其長皆得爲良士執一以廢百衆功何由備是惟聖人心能通天下志

增傳明劉啓玄壺子

酒壺

傳曰壺子字酌之其先錫山人

也質稍冥頑鎔化于將作大匠復爲之切磋以成其器爲人長喙大耳腹恢恢而有容初與麴城陸胥交莫逆共探聖賢道術陸生曰夫道以虛爲體以實爲用虛而實實而虛妙故無窮幾乎道矣居數日壺子告胥曰吾

虛矣胥曰未也恐有我盈其中壺子隨傾之曰吾虛矣  
胥曰未也恐有我留其中壺子盡傾之告胥曰吾虛矣  
胥叩其中空空如也曰果虛也與哉吾請從子以周旋  
無何壺子官太常見商君如舊識商嘗枕壺子膝指其  
腹曰此中何所有壺子曰此中空洞無物最是難測地  
商戲之曰子所謂徒有此大腹了自無剛腸者壺不之  
校謂人曰寧我容人無人容我壺嘗共商語刺刺不能  
休商問何處得來壺子曰曩與陸生交每虛而往實而

歸特爲子傾倒之念欲薦之上未能也子其圖之商因薦胥于上上召陸胥與語大悅謂壺子曰吾于商生手之而不釋吾于陸生口之而不置卿爲之先容卿其作余耳目乎命攝主客司事四方賓至先遣商出款之壺子偕陸胥隨其後而斟酌對焉吐詞溫醇有足淪洽人肌髓者一座爲之盡傾嘗爲長夜飲至夜分陸生力竭上察壺有歆側態腹且枵然上笑曰壺生其庶乎屢空顧謂商君曰瓶之罄矣惟罍之恥壺子與卿之謂乎可



休沐壺後歸老于錫山自號鴟夷子皮鄉有瓶生者狀  
類壺而性不嗜酒常居井牧間壺譏之曰視子之居于  
井之睂飲水滿腹香醪罔知綆斷身墜粉骨何疑瓶亦  
借鴟夷譏壺曰鴟夷酒囊樂極招殃痛飲滿腹代人行  
觴孰云國器多藏厚亡壺聞而愧之又嘗爲鄒人設饌  
先與陸生引酒自捫其腹而出曰我不負汝商君曰子  
不負腹腹當負子壺曰不然予嘗承顏接詞我口若懸  
河源若倒峽一瀉若建瓴而下何謂腹負我邪座客不

能屈曰有本者如是是之取爾壺雖浮湛閭里酌尊卑  
戚疎之辨未嘗凌節逆施其精義類此性好對客雖褻  
必以貌不冠不見嘗與北海語曰座上客常滿尊中酒  
不空吾無憂矣其器量甚宏人莫窺其深淺常爲臧獲  
所執坦如恬如也柱下史曰大盈若沖其用不窮漆園  
吏曰注焉而不滿傾焉而不竭壺子蓋庶幾哉嘗觀列  
仙傳有壺公者安期生嘗師之日懸一壺于都市晚入  
憩其中因以壺公名壺子豈其流裔邪 支廷訓湯蘊

之茶壺傳曰坡翁嘗曰買田陽羨吾將老焉豈以濟勝得

勝故云爾邪非也此中有一清真道人與湯蘊之最善  
道人名聞天下即天子首嘉之嘖嘖曾不釋口蘊之亦  
陽羨產也狀貌雖不甚偉間雅修飾一準于時且火候  
具足入水不濡歷金山玉泉碧澗咸爲識賞中懷惟珍  
一清真清真亦惟蘊之是契兩相漸涵芝蘭之氣不啻  
也飲德者風生兩腋在座塵祛能令寐者忽寤醉者旋  
醒煩者頓解喜通雀舌故知會悟也儀肅槍旗尊駕聿

臨也。頌頌龍鳳禁庭異數也。所以導款誠將祗肅孰爲之調停斟酌非蘊之弗任矣。以故士君子成器之于時名益重雖塊然一質即金玉其相者不與易也有同類流入酣里典表落帽居然以聖賢自標笑其斤斤獨抱徒爲自苦耳。曰吾苦固甘之。凡受我灌輸者謙謙抑抑一如捧盈雖有高談情話終始不愆于儀非若喪德喪邦是戒者寧從竹裏炊烟不向甕邊覓夢寧隨作書劉琨爲伍不與投轄陳遵爲鄰整容緘口一種清芬未啓

氣已充然有餘其入人亦在意氣非關唇吻置之者亦必慎擇所處非几筵弗置也禹錫餽菊表情陶穀烹雪知味率皆蘊之裏事松風叶唱其受知于坡翁素矣微獨陽羨佳山水足當一老邪

### 甌一

增說文曰窰甌空也 方言曰甌自關而東謂之甌或謂之醵或謂之酢醵 爾雅曰醵謂之醵醵醵也 原

古史考曰黃帝始作甌 增韓詩外傳曰舜甌盆無臚

臚即今

飯乎土簋啜乎土型

考工記曰陶人爲甗

注甗

甗無底

實二鬴厚半寸脣寸盆實二鬴厚半寸脣寸甗實

二鬴厚半寸脣寸七穿

京房易逆刺曰天雨釜甗歲

一熟

宋志曰丹甗五穀豐熟則出

淮南子曰粟得

濕而燠甗得火而液

白虎通曰王者德至山陵丹甗

見離騷曰珪璋雜于甗室

甗二

原左傳曰晉師從齊師入自丘輿齊侯使賓媚人賂以

紀甌玉磬 家語曰顏回炊飯于敗屋下有塵墜飯中  
孔子遙見攫食之及回至孔子曰吾嚮夢先人將祭之  
回曰不可向有炁煤落甌中置之不可棄之則不祥因  
攫而食之 後漢書曰范丹字史雲爲萊蕪長清貧時  
人歌曰甌中生塵范史雲 增玉海曰宋太宗時長安  
民得甌其狀下爲鼎三足上爲方甌中設銅簞可以開  
闔有銘在其側句中正識其文曰甌也遂藏秘閣

### 甌三

原銅甑

益部耆舊傳云任丈公王莽亂時凡奇物悉賣唯留一銅甑

竹甑

郭文傳云丈以

竹筒爲甑

增桐甑

唐語林云白樂天舟後有小竈安桐甑而炊

原叔達破甑

郭林宗別傳云孟敏字叔達荷甑墜地不顧而去林宗問之敏曰甑已破矣視之何益林宗異之勸令學果著名

增季方壞甑

袁山松後漢書云荀淑與陳實相善嘗命駕相就令元方侍側季方作食

嘗竊聽談

引繩出甑

廣輿記云江西廣昌縣有石壁潭臨水石壁高三十餘丈上有

甑壞飯糜

海眼昔里人滌甑于溪水漂去至龍潭而沒一日樵者在石壁上俯瞰海眼見一物以繩引出之即所滌甑也

石姥山甑

錢塘記云石姥山有甑大數十圍有三十六足一人搖之輒動縱使千百人引之與

一人不異

朽壤中甑

宣室志云建中末獨孤彥客淮泗間佛寺遇青短衣人自稱姓曾名元彥



曰此甑字也驗之  
果于朽壤中得甑

### 甑四

增賦唐薛邕丹甑賦曰中含虛兮體道上應規兮法天  
以孝以享兮可以饋饍多黍多稌兮屢惟豐年 史翹  
丹甑賦曰既申命以自天類有孚而盈缶不汲而滿寶  
鼎齊列不炊而沸溫泉比崇異陶鈞之有作符造化之  
爲功

### 盆一

增說文曰盆盎也

爾雅曰盆謂之缶

周禮曰凡祭

祀共其牛牲之互與其盆簋以待事 又曰盆實二鬴

厚半寸唇寸 史記曰戴盆何以望天 博古圖曰漢

獸耳盆高四寸一分深三寸四分口徑七寸五分足徑

四寸四分兩獸面鼻串圜環環徑各一寸二分容五升

純素無文自然之色青碧相間以銅爲之非陶人所爲

瓦盆也 淮南子曰今夫窮鄙之社也扣盆拊瓶相和

而歌自以爲樂矣嘗試爲之擊建鼓撞巨鐘然後知其

盆瓶之足羞藏計書修文學而不知至論之至則扣盆  
拊瓶之徒爾 又曰日東至則盆水溢 又曰屠者觀  
義車者出行陶人用皿盆匠人處狹廬

## 盆二

增洗頭

濯足

杜望岳注云華山有石盆容水數斛名玉女洗頭盆 世說云段丈昌少羈窶

所向不偶後富貴奢侈過度打金蓮花盆濯足或規之荅曰人生幾何要酬平生不足也

盛酒

漬果

世說云阮仲容至宗人共集不用杯觴以大盆盛酒圓坐相向大酌更飲 叙聞錄云嵇昌蓄採星

盆夏月漬果則倍冷

星墜

龍負

續晉陽秋云桓宣武與妻妾坐月下流星墜下銅盆水中

光如二寸珠妾酌飲之生玄廣輿記云江西德化縣有湓浦相傳有人于此洗銅盆墮水撈之見一龍負盆而去

酌酒

煮鹽

潘岳笙賦云傾縹盆以酌酒前漢食貨志注云古名廩爲牢盆煮鹽盆

也

賞功

贖罪

宋史云郭藥師爲檢校少保同知燕山府詔入朝徽宗禮遇甚厚解所御

珠袍及二金盆賜之藥師出諭其下曰此非吾功汝輩力也即翦盆分給賞之交州雜記云夷俗以銅盆與

瓮贖

鼓歌

節舞

莊子云莊子妻死惠子弔之莊子箕踞鼓盆而歌惠子曰不已甚乎

罪

風土記云越俗飲宴即鼓盆以爲樂取太素園盆以廣尺六者抱以著腹以右手五指更彈之以爲節舞者

應節

秦王擊

景公鼓

史記云秦趙會澠池蘭相如趙王竊聞秦王善爲秦聲

而舉

請奉盆缶于是秦王不憚爲一擊缶趙御史書曰某年某月秦王爲趙王擊缶晏子春秋云景公飲酒鼓盆

# 盆三

增水精盆

元史云回鶻獻水精盆珍珠傘等物可直銀三萬餘錠帝稍償其值且禁其勿復有所獻

頗黎盆

東坡詩云千金一擲頗黎盆

紫瓷盆

杜陽雜編云會昌元年渤海貢紫瓷

盆容半斛內外通瑩其色純紫厚可寸許舉之則若鴻毛

老瓦盆

杜甫詩云莫笑田家老瓦盆自

從盛酒長兒孫傾銀注玉驚人眼共醉還同卧竹根

銀盆打標

江南野錄云嗣主許民競渡勝

者加以銀盆謂之打標後盡蒐爲卒曰凌波軍

金盆却暑

劇談錄云李德裕極熱時以金盆貯

水漬白龍皮却暑如涉高秋

扣盆而歌

詳盆一

戴盆而哭

漢書云逢萌素

明陰陽知莽將敗乃首戴瓦盎而哭于市曰新乎新乎注盎盆也

匕箸一

增說文曰匕所以取飯 方言曰匕謂之匙 正譌曰

匙箸以竹爲之 易曰震驚百里不喪匕鬯 毛詩曰

有捄棘匕 儀禮曰主人執匕 禮記曰飯黍毋以箸

又曰羹之有菜者用挾其無菜者不用挾

注挾箸也今人或謂

箸爲挾提

三禮圖曰匕以載牲體長二尺四寸 史記微

子世家曰紂始爲象箸 典畧曰陳琳報太祖書曰縈

帶爲垣高不可登折箸爲械堅不可入 淮南子曰糟

丘生乎象箸 論衡曰以箸撞鐘以筵擊鼓鐘鼓不能  
鳴者撞之者小也

匕箸二

增史記曰景帝居禁中召條侯周亞夫賜食獨置大戟  
不置箸條侯心不平顧謂尚席取箸景帝視而笑曰此  
非不足君所乎條侯免冠謝 蜀志曰曹操謂先主曰  
今天下英雄唯使君與操耳本初之徒不足數也先主  
方食失匕箸時值雷震先主因曰聖人云迅雷風烈必

變良有以也一震之威乃至于此 東宮舊事曰漆匕

五十枚 又曰漆箸一百雙 宋書曰太祖妃上世祖

金鏤匕箸及杓杓上以賜沈慶之曰卿辛勤匪殊歡宴  
宜等且觴酌之賜宜以大夫爲先也 北齊書曰崔瞻

在御史臺宅中送食備盡珍羞每別室獨餐有一御史  
姓裴伺瞻食往造自攜匕箸恣情飲噉瞻曰我不喚君  
食亦不共君語君不拘小節昔劉毅冒請鶩炙豈異是  
乎君定名士後每與同食 開元遺事曰玄宗賜宰相



宋璟以所用金筋曰非賜汝金蓋賜卿箸表卿直也

五代史曰唐廢帝欲擇宰相書姓名置琉璃瓶中以箸挾之

### 匕箸三

增借箸

轉筭

史記云漢王與酈食其謀撓楚權張良從外來漢王方食良曰陛下事去矣臣

請借前箸爲大王籌之

韻府云曹元理筭

合丹

陳廣漢東西困米以食筋十數轉不差圭合

攪藥

文選云金鼎玉匕合神丹抱朴子云道人李根煎鉛錫以藥如大豆者投中以鐵匕攪之

射鹿肉

刺雞子

吳志云趙達善治九宮一筭之術過知故知故曰倉卒乏酒又無嘉肴無

以叙意達以箸一隻再三縱橫之乃言卿東壁下有美酒一斛鹿肉三觔何以辭無主人慙曰知卿善射欲相試耳語林云王藍田食雞子以箸刺之不得便大怒投于地鄰母投公主折書晉云吳隱之濮陽人博學有清操執父母喪哀毀過禮居與韓康伯鄰康伯母殷氏賢明每聞隱之哭聲輒爲之投筯謂康伯曰汝若秉銓當舉如此輩人及康伯爲吏部遂舉隱之唐書曰于琮初尚永福公主主未降食帝前以事折匕箸帝知其不可妻士大夫更詔尚廣德公主

匕箸四

增玉匕

抱朴子云有古强者自云四千歲嵇使君以玉匕與強後忽語嵇云昔安期先生以與之

犀箸

杜甫麗人行犀箸厭飫久未下

鐵筯

謝承後漢書云王莽時有奇士巨毋霸卧則枕鼓以

鐵筋

竊箸

晉書云幸靈豫章人時建昌令發民作船吏令各作箸一雙或竊靈筋俄而竊者心

痛靈曰得毋竊我筋乎乃首出之飲以水立愈

琉璃匕

續齊諧記云趙文詔爲東宮扶持解在清

溪中橋夜與神女讌寢脫金簪與扶持亦贈以銀盃及琉璃匕

青竹筋

白居易過李生詩云白甌

青竹筋儉潔無膾腥

失匕箸

英雄記云董常大會賓客誘降反者以鑊烹之會者戰慄亡失匕箸

投匕箸

神仙傳云葛玄常與客食玄以口中飯盡化爲蜂數百集于客身客皆投匕箸驚懼玄乃

張口其

葛洪治噎

又云葛洪治噎方曰與對食者當以手捉箸問噎人曰此何等物噎

蜂悉入

人當荅曰箸即復

少君愈疾

漢武內傳云李少君字雲翼好道入太山采藥

曰咽下去即愈

修絕穀養身之術遇安期生少君疾困叩頭求治安期生以神樓散一匕與之服即愈

犀頭匙

箸

酉陽雜俎云唐賜安祿山品目有金平脫犀頭匙筋

木香匙箸

十國春秋云後蜀高祖以

李皇后故優待唐莊宗諸兒賜予千計敕器用局以沈香降真爲鉢木香爲匙箸

費萬錢無

下箸

晉書云何曾字穎考厨膳滋味擬于王者日食費萬錢猶云無下筋處

數十品方

下箸

宋史云孫承祐恣爲奢侈常膳數十品方下筋

匕箸五

增詩明程良規竹箸詩曰殷勤問竹箸甘苦爾先嘗滋味他人好爾空來去忙

增銘明方孝孺匕箸銘曰汝之食人慎勿思人之食汝

慎勿諉 又曰五鼎之饋爲惠不成乾餱之遺怨由以  
生一舉筯而驕士將敗汝名

權衡一

增博雅曰權謂之錘其形垂也 雲笈曰黃帝使伶倫  
作權量 原書曰同律度量衡 月令曰仲春之月日  
夜分則同度量鈞衡石角斗角正權概 漢書律厯志  
曰權輕重者不失黍索 又曰衡權者衡平也權重也  
衡所以任權而均物平輕重也其道如底以見準之正

繩之直左旋見規右折見矩 增又曰權者銖兩斤鈞  
石也所以稱物平施知輕重也 原又曰五權之制以

義立之以物鈞之其餘大小之差以輕重爲宜圜而環

之令之肉倍好者

孟康曰錘之形如環也如淳曰體爲肉孔爲好師古曰錘者稱之權也

周旋無端終而復始無窮已也 又曰權與物鈞而生

衡衡運生規規圜生矩矩方生繩繩直生準準正則平

衡而鈞權矣是爲五則 增諸葛亮曰我心如稱不能

爲人低昂 陸贄曰衡者秤也權者錘也故權在于衡

則物之多少可準權施于事則義之輕重不差 李石  
傳曰天下之勢猶持衡 廣輿記曰涪州江心有雙魚  
刻石上每一魚三十六鱗旁有石秤石斗現則歲豐  
莊子曰剖斗折衡而民不爭

### 權衡二

原晉書曰裴頠博通兼明醫術上言太醫權衡宜依古  
尺先改此若差違遂失神農岐伯之正藥物輕重分兩  
乖互爲害尤深 唐書曰上官昭容母鄭氏初妊夢巨

人昇大稱曰持此稱量天下昭容生踰月母戲曰稱量者豈爾邪輒啞然應後內秉機政符其夢云

權衡三

增量書

史記云侯生盧生相與謀曰始皇爲人天性剛戾候星氣者三百人皆良士畏忌諱不敢端言

其過事無小大皆決于上上至以衡石量書

候時

唐書云佛林國懸一大秤以金丸十二枚屬于

衡端候十二時每至一時金丸輒落毫髮無失

原錙銖

勛兩

折平于物

作信于人

惟器有信

則人不爭

作法于平

示人以信

用于出納

資以和均

俱出白帖



權衡四

增詩唐包何賦秤送孟孺卿詩曰願以金秤錘因君贈  
別離鈎懸新月吐衡直衆星隨掌握須平執錙銖必盡  
知由來披分審莫放弄權移 明馬軾天平詩曰體物  
何曾有重輕相君因爾號阿衡誰多誰少皆公論纔有  
些兒便不平

增賦唐劉禹錫平權衡賦曰惟天垂象惟聖作程播二  
氣而是分畧度立五則而在審權衡上穆天時應陰陽

之克正下統人極俾準繩而惟平于是黍累無差毫釐  
必究等度量而化通遠邇體平均而勢行宇宙當其夾  
鐘中律南呂戒候銅渾應節于寒暑玉漏方濟乎宵晝  
由是命有司而令申考前王而是遵權輕重以審則中  
規矩而和鈞事垂文兮風傳乎千古道如砥兮日用于  
兆人懿夫正以處中平而立矩命其同也有虞之制克  
彰稱其謹焉宣父之言可取故能用該仁里象侔天文  
既左旋而右折量輕併而重分持平罔虧可爲範于秉

釣之佐泄信惟一將有助于執契之君不然則何以懸  
之而息彼奸詐正之而協于晨夜得平則正我之道兮  
允執厥中衷多益寡衆所用兮不言而化化之有孚功  
莫可踰立規程罔慙夫龜鏡揣釣石寧失乎錙銖匪假  
垂釣而其用不匱何勞剖斗而所爭自無方今百度惟  
貞萬邦承則順時設教兮靡不獲所同律和聲兮允臻  
其極玉衡正而三階以平七政齊而庶政不忒矣美君  
臣之同體猶權衡以合德宰準繩之在心庶輕重之不

惑 李宗和平權衡賦曰王者統四時均五則彼權衡

之爲準驗陰陽之不忒鈎深致遠黍累于焉靡差稱物  
平施晷度由之斯得惟權也分其重惟衡也得其平明  
乎國經固懸茲以垂範掌乎天秩如用茲而永貞衡任  
權以鈎物權資衡以作程故一人體之以清萬國萬國  
仰之而庶政以成當其玄鳥司分疇人敬授既量諸夕  
又測其晝盈虛氣等何藉于土圭日夜時分已傳于玉  
漏莫不同度量以應其期平權衡以協其候苟順氣以

頒節實從時而不謬其功斯博其道式孚諒同均于遠  
近故不失于錙銖俾稱物者守之無易掄材者持之罔  
逾皇矣我君康哉神化萬方取則自得于均平二氣尚  
分無愆于晝夜不然者何以佐璿樞之斟酌調元氣以  
綢繆申乎舊章孰似權衡之大匪無同異所紀春秋之  
分齊其重輕等其規矩豈鈞銖之是待在繩準而有取  
固將平邦國亦以叙彝倫七政惟齊有符乎應天之運  
百工咸賴實資乎秉國之鈞宜其平域中而齊律度貞

天下而利黎人惟正直可法惟中平可均夫如是則權衡者蓋亦考茲義而是遵 陳佑平權衡賦曰俾民不

迷茲器維則行之而萬象正動之而天下直一人不宰命任權者必公百辟以孚在持衡者守德此蓋國之恒準教以順行雖因時以考正乃假人而後成權之垂知俯下而斯重衡之正乃得一以至貞忠以自勝直哉唯清物無偏以表德器守公而作程動必推移佐璿璣而克正靜無偃仰若太階之既平懿夫衡之誠懸德乃是

茂秉中正以不忒在毫釐而何謬衆星分列若厯厯以拱辰一權下臨正亭亭而當晝斯斟酌之所以俾名實以相副者也爾其觀象取則其數可陳積而成重銖以和鈞稱物平施則其道無極從時利用乃有命惟新既審度而攸準夫何患乎不均安則無傾正以順化四時行令必因其陰陽一德奉天諒貞夫日夜是知分寸相生成乎象盈虛有準觀夫文因黃鐘以起數應玄鳥之司分爾乃七政允修五常斯覩爲時德也誠金義而木

仁爲器法焉乃左旋而右矩既輕重之必審雖細微而待取平之爲美曲逆終作漢臣中以見稱伊尹是爲殷輔茲乃衡之爲道也可大權之爲義也斯乎繩從則正德不可誣動不欺于黍累用有識于分銖若夫求平之至者執中之謂乎

量一

增廣雅曰斛謂之鼓方斛謂之角 原毛詩曰椒聊之實蕃衍盈升 周禮曰梲氏爲量改煎金錫則不耗不



耗然後權之權之然後準之準之然後量之量之以爲  
鬴鬴十則鍾其聲中黃鐘之宮也概而不稅 增家語  
曰黃帝設五量曰權衡曰升斛曰尺丈曰里步曰十百  
原漢書律厯志曰量多少者不失圭撮 又曰量者

龠合升斗斛也所以量多少也本起于黃鍾之龠用度  
數審其容以子穀秬黍中者千有二百實其龠以井水  
準其概合龠爲合十合爲升十升爲斗十斗爲斛而五  
量嘉矣其法用銅方尺而圓其外旁有廐焉其上爲斛

其下爲斗左耳爲升右耳爲合合其狀似爵以縻爵祿  
又曰夫量者躍于合登于升聚于斗角于斛  
也職在太倉大司農掌之 增天文要集曰斗星仰則  
天下斗斛不平覆則歲稔 楚辭曰世並舉而好朋一  
升斛而相量

量二

原左傳曰齊舊四量豆區釜鍾四升爲豆各自其四以  
登于釜釜十則鍾陳氏三量皆登一焉鍾乃大矣以家

量貸而以公量收之 增後漢書曰第五倫爲京兆主

簿督鑄錢掾領長安市平銓衡正斗斛市無阿枉百姓

悅服 原魏志曰太祖賦歛不足軍糧少主者請以小

斛給軍糧太祖曰善後軍中有言太祖欺衆太祖曰借

君之死以厭衆乃徇曰主者用其小斛乃斬之于軍門

增荀氏別傳曰荀遂字仲陽隱居不仕時歲饑荒來

糴者遂妻常昂其斛糴者歸量輒過其本時人號爲昂

斛夫人 原白帖曰隋開皇二年五月長安人穿地得

金版有銘云始皇時量器 增宋史曰王嗣宗以秘書

監通判澶州上言本州權酤斗量校以省升不及七升  
民犯法釀者三石以上坐死有傷深峻臣恐諸道率如  
此制望詔自今並準省斗定罪從之 又曰孫瑜以郡

縣倉庾以斗斛大小爲姦奏鈞其制黜吏之無狀者民  
大喜有言其變新器非便下遷知曹州尋有言瑜所作  
量法均一誠便者乃還其元資 又曰范鎮作律尺龠  
合升斗豆區鬴斛圖上之 又曰呂大防知青城縣舊

時圭田粟入以大斗而出以公斗民雖病不敢訴大防始均出納

量三

原用當其無 守而失信 信以守器 官不易方俱出

帖白

量四

增賦唐敬括嘉量賦曰作之嘉量其義惟深嘉者以善爲節量者用平其心窮微于子穀之數酌憲于黃鍾之

音蓋取諸象爰範于金亦既成止其儀可覲堅外可程  
虛中受益功格于衡鏡實司乎珪錫以分多少寧患乎  
不均以立信仁抑行之無斁然美其方能立矩卑莫可  
踰出入罔恡包含式孚徇公滅私乃爲而勿有納新吐  
故亦用當其無理將神而共契跡與道而相孚且器守  
乎謙人惟厥操人非器罔主器非人奚造不謹則詐僞  
生端無方則羨溢爲耗職是司者胡顏相冒由此言旃  
不其至然外平其概斛乃旁穿既因物以進退而與時

爲貿遷施于政而四方仰則毗乎理而百代猶傳誠可  
美而可尚願斯焉而取焉異乎大小區分高卑奇偶始  
增撮而就合卒聚升而成斗隨求而獲進獲退順動而  
何先何後泊乎職興都尉計起弘羊洽平糴而作典布  
均輸而有方常平由是以實大國因之用強豈比天有  
斗而酒漿不挹山有谷而牛馬空量然而當春秋分之  
期爲晝夜至之時予以較矣予以用之實萬人之所欲  
敢望聞于有司

原銘考工記嘉量銘曰時文思索允臻其極嘉量既成以觀四國永啓厥後茲器維則

度一

原禮記曰古者以周尺八尺爲步今以周尺六尺四寸爲步古者百畝當今東田一百四十六畝三十步古者百里當今百二十一里六十步四尺二寸二分 又曰璧羨以起度 通鑑曰大禹聲爲律身爲度 漢書律厯志曰度長短者不失毫釐 又曰度者分寸尺丈引



也所以度長短也本起黃鍾之長以子穀秬黍中者一黍之廣度之九十分黃鍾之長一爲一分十分爲寸十寸爲尺十尺爲丈十丈爲引而五度審矣其法用銅高一寸廣二寸長一丈而分寸尺丈存焉用竹爲引高一寸廣六分長十丈其方法矩高廣之數陰陽之象也分者自三微而成著可分別也寸者忖也尺者隻也丈者張也引者信也夫度者別于分寸于寸隻于尺張于丈信于引引者信天下也職在內官廷尉掌之 老子曰

不敢進尺退寸

度二

原白帖曰晉荀勗校八音不和始知後漢至魏尺長于古尺四分有餘乃依周禮制尺更鑄銅律呂調聲韻以尺量古器與本銘尺寸無差時人服其精密唯阮咸作其聲高後掘得古尺果長于勗尺四分

度三

原十毫爲釐

白帖云十毫爲釐失之毫釐差若千里

倍尋曰常

又云尋尋常之

地五尺曰尋  
倍尋曰常

惟物有度 俾人不爭 尺有所短

寸有所長

俱白帖

### 度四

增賦唐高邁度賦曰昔在太始原于物初天地草昧建  
皇王以爲宰淳朴自理非賢人而勿居厯雲官與鳥職  
接洪範而周書無不較權衡之輕重考度量之盈虛因  
物以極神託數以明象積分而成寸引尺而爲丈列陰  
偶而陽竒法天三而地兩準之億萬其如指掌時止則

止時行則行隨物而應施不失平其至妙也多少不能以藏數其至微也長短不能以隱情易而無欺簡而無惑節之以禮其儀不忒聖人進退以觀象君子方圓而取則成百王之規矩爲萬代之繩墨欽若伯禹聖哉爲王道濟天下爰敕大章投足既廣行地無疆彼里之難測用度之可量四時以日月爲明萬國以君王作大同衡律而一軌量海內平而天下泰居日中而成市朝異方而畢會在商賈之所資惟尺度而爲最夫道以神契

物以言筌義無不盡理無不全度之爲物也資道以爲用度之爲道也託物而無偏述斯往矣吾不知所以然

農器一

增釋名曰鋤助也去穢助苗長也 又曰鎌兼也薄其所刈似廉者也 又曰鍤鍤地起土也 說文曰耒耜耕曲木也古者垂作耒耜以振民也又曰耜耒耜耒端木也 又曰鋤耨斫也鑿大鋤也 又曰鉞獲禾短鎌也 纂文曰耨如鍤柄長三尺刃廣二寸以刺地除草

字詁曰耨頭長六寸柄長六尺以芸田也 又曰礪

礪石輓也平田器

方言曰僉

今連耨所以打穀者

宋魏間謂之

攝及或謂之度自關而西謂之倍或謂之拂齊楚江淮

間謂之秧或謂之棹

師古曰拂所以擊治禾者今謂之連耨

又曰杻

無齒

爲杻宋魏之間謂之渠挐或謂之渠疏

又曰鍬江淮南

楚間謂之畝

齊語曰耒耜耨擊藁除田以待時耕

深耕疾耨以待時雨

通俗文曰機汲曰桔槔

農政

全書曰耜制有方耜有八字耜如犁亦用牛駕但橫濶

多齒犂後用之蓋犂以起土惟深爲功耜以破塊惟細爲功耜之後又用耛用耨 又曰耛如耜其齒更長所以耛土益細 古史考曰神農作耒 原周易繫辭曰

神農氏斲木爲耜揉木爲耒耒耨之利以教天下蓋取

諸益

益震下巽上震巽二木之象木道乃行釋文耜耒下耨也廣五寸耒耜上勾木也疏明神農取卦造

器之義

增毛詩曰三之日于耜 又曰以我覃耜俶載

南畝 又曰畎畎良耜俶載南畝 又曰庠乃錢鏹奄

觀銍艾 原周禮曰車人爲耒庇長尺有一寸中直者

三尺有三寸上勾者二尺有二寸自其庇緣其外以至

于首以弦其內六尺有六寸與步相中也堅地欲直庇

柔地欲勾庇直庇則利推勾庇則利發倨勾磬折謂之

中地

耒謂耕耒庇謂耒下岐

增又曰匠人爲溝洫耜廣五寸二

耜爲耦一耦之伐廣尺深尺謂之畎

註古者耜一金兩人併發之今之耜

岐頭兩金象古之耦也

又曰山虞凡服耜斬季材

注季猶耨也

原

又曰越無鑄非無鑄夫人而能爲鑄也 又曰鍛氏爲

鑄器

注田器也錢鑄之屬

又曰遂人以時器勸畎

注鑄作耒耜錢鑄之屬



又曰遂大夫正歲簡稼器修稼政

注耒耜鉷基之屬

禮記

月令曰季冬命農計耦耕事修耒耜具田器 又曰孟

春天子親載耒耜 增又祭義曰天子爲藉千畝躬秉

耒 原家語曰銷劒戟爲農器 增孟子曰雖有鉷基

不如待時 莊子曰春雨日時草木怒生鉷耨于是始

修 又曰子貢曰鑿木爲機後重前輕挈水若抽其名

桔槔圃者曰聞有機事必有機心吾非不知羞不爲也

又曰獨不見夫桔槔者乎引之則俯舍之則仰彼人

之所引非引人者也故俯仰而不得罪于人 管子曰  
一農之事必有一鉞一耜然後成農 呂氏春秋曰耨  
柄長六寸所以間稼

農器二

增淮南子曰禹身執畚鍤以爲民先 漢書曰晁錯言  
勸農力本曰爲室廬具田器 又曰龔遂爲渤海太守  
敕屬縣悉罷捕逐盜賊吏諸持鉏鈎田器者爲良民吏  
無得問持兵者乃爲賊 又曰王莽傳曰予北巡必躬

載拂每縣則粟以勸蓋藏

粟謂治粟

後漢書曰任延建武

初爲九真太守俗不知牛耕乃令鑄作田器教之懇闢

田疇歲廣百姓充給 又曰元和元年二月甲戌詔郡

國募人無田欲徙他界者悉聽之到在所給公田爲雇

耕傭賃種餉貫與田器勿收租

餉糧也古餉字

晉書曰桓宣

鎮襄陽勸課農桑或載鉏耒于輶軒或觀芸獲于隴畝

十餘年間能得衆心 南史曰宋高祖微時躬耕及受

命耨耜之具頗存命藏之以留于後文帝幸舊宮見而

色慙近侍進曰大舜躬耕厯山伯禹親事水土陛下不  
覩遺物何以知稼穡之艱難先帝之至德乎 唐書曰

貞觀中突厥默啜請和詔賜粟三萬石綵五萬段農器  
三千具 韓愈李惟簡墓誌云惟簡爲鳳翔節度使市

耕牛鑄鑄鈔鉏斲以給農之不能自具者 舊唐書曰

太和二年閏三月丙戌朔內出水車樣令京兆造給鄭

白渠溉田 唐書百官志曰諸治監令鑄兵農之器給

軍士屯田 又曰司農卿籍田則進耒耜 五代史曰

唐明宗長興二年除鐵禁初稅農具錢 又曰劉審交  
遷陳州防禦使出視民田見民耕器薄陋乃取河北耕  
器爲範爲民更鑄 宋史曰淳化五年三月癸亥內出  
踏犁數千分給宋亳人戶先是太子中允武允成獻踏  
犁一具不用牛以人力運之至是上以宋亳間牛多死  
求得此制令尚方工官造成數千具遣直史館陳堯叟  
齎于宋州大起冶鑄以給與貧民 又曰景德二年正  
月戊寅內出踏犁式付河北轉運使令詢訪民間可用

則官造給之河朔戎寇之後耕具頗闕淮楚間民用踏

犁凡四五人力可比牛一具自尚方造樣 又曰大中

祥符二年六月庚子河東轉運杜夢證上子詹所撰農

器圖詔褒之 元史曰世祖中統四年以禮部尚書馬

月合乃兼領潁州光化互市及領已括戶三千興煽鐵

冶就鑄農器二十萬事易粟四萬石輸官 明紀曰永

樂元年命寶源局鑄農器給山東等處被兵之民 又

曰宣德五年上還京師道見耕者下馬從容詢其稼穡

之事因取所執耒耜三推耕者羅拜上顧侍臣曰朕三  
舉耒已不勝勞况常事此乎人恒言勞苦莫如農信矣

### 農器三

原範金

白帖云範金爲錢鑄

增剡木

孔帖云室韋國剡木爲犁人挽以耕

格雷

搜神記云扶風楊道和于田中值雷奔止桑樹下霹靂  
擊之道和以鋤格之折其右股遂落地色如丹目如鏡

爲雲

溝洫志云舉鍤爲雲決渠爲雨

置耬斗

齊民要術云耬車狀如三足犁中置耬斗

藏種以牛駕之一人執耬且行且搖種乃隨下崔寔云  
漢趙過教民耕殖其法三犂共一牛一人將之下種挽  
耬皆取備焉日種一頃即耬車也

原作水排

後漢書云杜詩建武七年遷南陽太守造作水

排鑄爲農器用力少  
見功多百姓便之

增借耰鋤

賈誼治安策借父耰耨慮有德色

修桔槔

汝南先賢傳云蔡君仲井桔槔壞母在每年命修不忍治而扶老藤生繞之

農器四

增歌唐杜甫寓居同谷縣歌曰長鑱長鑱白木柄我生

託子以爲命

鐵鑱犁

增詩明何潛齋桔槔詩曰片片龍鱗蛻老蒼有時吽嘍

捲滄浪真機動處何容力自是傍人脚手忙 童冀水

車行曰零陵水車風作輪綠江夜響盤空雲輪盤團團



徑三丈水聲却在風輪上大江日夜東北流高岸低坼  
開深溝輪盤引水入溝去分送高田種禾黍盤盤自轉  
不用人年年祇用修車輪往年比屋搜軍伍全家載下  
西涼府十家無有三家存水車卧地多作薪荒田無人  
復愁旱極目黃茅接長坂年來兒長成丁夫旋開荒田  
納官租官租不缺足家食家家復藉水田力一車之力  
食十家十家不憚勤修車但願人常在家車在軸不憂  
禾黍秋不熟

增賦唐裴度鑄劔戟爲農器賦曰皇帝嗣位之十三載  
寰海鏡清方隅砥平驅域中盡歸力穡示天下不復用  
兵于是銷鋒鏑而俶載南畝庠錢鑄而平秩西成所以  
殄凶器降嘉生收禍亂之根本致兆庶之豐盈者也既  
而清天步虛武庫劔鏑銷戟鉞露當時出匣揮獷俗以  
來賓今日在鎔惟良工之所鑄長鍛倏爾而從革覃耜  
忽焉而中度廢六月之遄征興三時之盛務觀乎聚而  
改煎歟飛燄而涌煙從而再造將分地而用天宜人之

歌允符于假樂多稼之頌式合于大田若夫弓戈索戢  
于寧歲牛馬放歸于豐年徒虛語爾胡可比焉則知欲  
善其事先利其器俾汙萊之盡闢由兵革之不試洪鑪  
既鍛失似雪之鋒鋌綠野載耕佇如雲之苗穰昔用之  
而有所雖弭之而不棄矧國家以教令爲車徒故器械  
可得而無以道義爲封域故戰爭可得而息由是執帝  
堯之允恭復后稷之訓農理化資于地力福祥致于天  
宗此乃慶自一人風行九野建中于上返本于下下臣

進而稱曰秦金狄兮未仁周無射兮非雅豈若我后之  
重穀盡濟羣生于良冶 王契桔槔賦曰智者濟時以

設功強名之曰桔槔何朴斲之太簡俾役力兮不勞作  
固兮爲我之身臨深兮是我之理若虞機張如鳥斯企  
山有木因工見汲引之能巽乎水自我成潤物之美不  
羸瓶而上出何抱甕之勤止執虛趨下雖自屈于勞形  
持滿因高終見伸于知己鄭圃之側潘園之旁溝塍綺  
錯畎畝相望帶嘉蔬兮映芳草背古岸兮面垂楊欲建

標以取別能舉直而自強若垂竿兮匪釣象燿火兮無  
光不忘機以棄俗乃習坎而爲常隨用舍而俯仰應淺  
深而短長重泉之水兮不滯九畹之蘭兮益芳雖欲絕  
學以棄智其若得存而失亡歌曰大道隱兮世人薄無  
爲守拙空寂寞老圃之道可行何恥見機而作

增銘明方孝孺鑱銘曰用汝芟夷或封殖崇善去惡乃  
厥職又曰念民勞謹民時順民欲惠民災又耒耜  
銘曰勞思善敏豐財又曰安厥匱恬厥勩勩業勿貳世

長利 又曰牛之力不可劇土之宜不可易牛劇則敗  
土易無稼 又桔槔銘曰旱爲虐汝功乃作寧汝無功  
無俾歲也凶 又曰聖制器資利人功施博巧足珍賜  
多言道未醇眩異說惑聖真是猶見一瓢之濟而以舟  
楫爲可棄夫安得爲智邪

御定淵鑑類函卷三百八十五

謹案第一頁後六行閣以瓶水沃廷刊本閣訛閣  
沃廷訛波延據左傳改

第四頁後五行酒醪不入口刊本脫口字牽于纒  
徽刊本纒訛纏六行一旦重礙刊本重訛擊並  
據漢書陳遵傳增改

第十頁前五行大匠眊而往刊本匠訛象今改  
第十八頁前八行乃首戴瓦盎而哭于市刊本哭  
訛器據後漢書改


第三十三頁後五行爰敕大章刊本敕訛釐據賦

彙改

第三十六頁前六行挈水若抽刊本抽訛流據賦

彙改





總校官庶吉士

臣

張能照

校對官編修

臣

朱攸

膳錄監生

臣

朱麟粹